

ओक गांव
री गोमती

इण नाटक रै मघीकरण सू पैला नाटककार सू
अनुमति ले लेवणी चइजै

सम्पर्क

अनुराग 1 स 22

पवनपुरी बीकानेर-334003

राजस्थानी भाषा, साहित्य एव सस्कृति
अकादमी, बीकानेर
रै आर्थिक सहयोग सू प्रकाशित

पुस्तक मन्दिर, बीकानेर

ऐक गांव री गोमती

(राजस्थानी रा दो नुवा नाटक)

निर्मोही व्यास

1 निर्मोही व्यास

प्रकाशक

पुस्तक मन्दिर 4 मूली क्वार्टर्स
नगर परिषद के पास बीकानेर-334001

पैलो संस्करण 2002

मूल्य 80 रु मात्र

कम्पोजिंग

विनायक कम्प्यूटर एण्ड प्रिण्टर्स

लालाणी व्यासों का चोक बीकानेर फोन 202326 (नि)

मुद्रक

कल्याणी प्रिण्टर्स माल गोदाम रोड बीकानेर

EK GAON RI GOMATI by Nirmohi Vyas @ Rs 80/

मायड भाषा रा घणा मानीजता महामना
अर राजस्थानी रा पैलडा उपन्यासकार
आदरजोग श्री श्रीलाल नथमलजी जोशी
ने सादर भेट जिका म्हने राजस्थानी मे
लिखणे री प्रेरणा दीन्ही ।

- निर्मोही व्यास

अक गाव री गोमती 15

जयरी करी जायोडे 64

म्हारी बात

लारलै बरसा मे राजस्थानी नाटका नै लोकगीत-सगीत रै सागै मचन करणै री अेक होड सी लाग्योडी है। अनेकानेक नाटय समारोहा रै मौकै अेडा ही हीज नाटक खेलीज रैया है।

म्हारी व्यक्तिगत मानता आ है कै बगला मराठी गुजराती अर हिन्दी नाटका री बरोबरी मे जे राजस्थानी नाटका नै लावण री जुगाड करणी है तो इण मिथक नै तोडणो पडसी कै गीत-सगीत रै बिना राजस्थानी नाटका री कोई ओळखाण नीं है। हर दरसाव सू पैला गीता री माळा गूथणै रै पाछै अेक हीज तर्क है कै दरसका नै राजस्थानी सस्कृति री झलक दिखाई जा सकै। म्हारी समझ मे राजस्थानी सस्कृति कोरी गीत-सगीत में ही झलकै आ बात ओपती नीं है। दरसाव रै सागै पैरावो बोलीचाली अर सवादामें भी तो बा झलक देखी जा सकै है।

राजस्थानी नाटका नै जे आगै बधावणो है तो रसै सू पैला यथार्थवादी नाटका कानी ध्यान देवणो पडसी।

कथानक रै तगादै गीत-सगीत भेळीजै तो अपरोगा नीं लखावै। पण जद कथानक रै मिजाज रै बिलकुल विपरीत फकत सस्कृति रा प्रस्तोता होवण रो कूडो बहम पाळता जिका नाटयकर्मो ऊपर सू गीत-सगीत नै अँडै नाटका मे थोपणै री चेस्टा करै बै कीं घणा हीज अळखावणा लागै।

ई पोथी मे म्हँ म्हारो पैलो नाटक अेक गाव री गोमती मे राजस्थान रै बदळतै राजनैतिक परिदृश्य ने आधार बणा र रचणै री चेस्टा करी है। म्हँ म्हारे दूजै नाटक 'जयरी करी जायोडै' में नुवी पीढी रै युवका रै म्हँ थोडा घूटिया बौडया है जिका आपरै माईता

रै प्रति अपणायत री जगा अळगाव नै हवा देवण में झिझक नी रैया ।
रगमच सू जुडै कलाकारा नै ओ नाटक कटै तई दाय आसी ओ तो
बैहीज यता सकैला ।

ई पोथी रै प्रकासन सारू पुस्तक मन्दिर बीकानेर अर
विनायक कम्प्यूटर एण्ड प्रिण्टर्स बीकानेर कानी सू म्हेनै जिको
सागीडो सहयोग मिल्यो उणा रो म्हेँ द्योत आभारी हू । साची पूछो
तो उणा रै कारणै ही म्हारी आ पोथी बगत पर प्रकासित हो पायी ।

अन्त मे राजस्थानी रा घणा लाडेरार जाण्या-मान्या
समीक्षक अर साहित्यकार डॉ किरण नाहटा नै म्हेँ हिडदै सू धन्यवाद
देवणो घावू जिका म्हारी ई कृति री भूमिका लिखणै री म्हारी बात
नै व्यस्त होवतै थका भी स्वीकार करी ।

निर्मोही व्यास

श्री निर्मोही व्यास रो अेक गाव री गोमती एक गामाधारित नाटक है। इण नाटक है मायनै एक गाव है ओळ्ळायै दश री बदळ्ळती राजनैतिक हालाता रो चित्रण करीज्यो है। आजादी है वाद सत्ता राजावा अर सामान्ता है हाथ सू तो निसरगी पण उण मे आम आदमी री अपेक्षित भागीदारी रो तो तोडो ही रैयो। कारण जूनी सामाजिक-व्यवस्थाया है चालता अठे औजू भी एक मोटो तवको दोयम दर्जे है नागरिक है रूप मे जीवण बसर कर रैयो हो। ई तवके में एक कानी समाज रा है लोग हा जका नै बरसा लग हेवी जात आळा कैय'र हाशियै माथे धकेल राख्या हा तो बीजे कानी समाज रो आधो अग अर्थात् लुगाया ही। जिणा है वावत ई समाज रो सोच घणो हीणो नै ओछो हो। 'लुगाई अर लुकाई आळी मानसिकता आळो ओ समाज नी तो लुगाई री पढाई-लिखाई नै लेय'र गभीर हो अर न ही उण नै आदमी है बराबर मानण नै त्यार हो। घर है खोरसै में आखै दिन खपती लुगाई नै पाच बरसा मे एकर घर धणी री मनस्या मुजब वोट नाखण नै जावणो हो। पुरुष वर्ग नै न ता उणरी स्वतंत्र सत्ता स्वीकार ही अर न ही उण री बरोबरी री भागीदारी। अैडै मे ओ देश अर ओ समाज आगै बधै भी तो किया बधै ? उण में अपेक्षित बदळाव आवै तो किया आवै ? इण बदळाव अर बधोतरी खातर जरूरी हो कै राज अर समाज दोनू आप-आप कानी सू घेस्टा करै। अैडो की लखाव ई देश रा थोडा-सा प्रबुद्ध अर जागरूक लोगा नै हुया। इण खातर है शिक्षा है प्रसार अर राजनैतिक जागरूकता री बात जोर देय नै कैवा लाग्या। होळै-होळै इसा लोगा री बात रो असर होवा लाग्यो। अल्पाश मे ही सही दलित उपेक्षित अर शोपिता नै भणवा रो मोको मिल्यो। आ शोपिता मे भी सिरै रैयो लुगाई है हाथ भी पढाई-लिखाई रा अवसर कठै-कठै आवा लाग्या। जठै-कठै भी लुगाई नै पढण-लिखण रो मोको मिल्यो वा आपरी ऊरमा अर उर्जा रो परिचय दियो। इण है

पाण उणरी पारिवारिक अर सामाजिक स्थिति में बदलाव दीरवा लाग्यो। यू बदलाव तो होण लाग्यो पण हाल उण री गति घणी धीमी। इण बदलाव रें मारग म बाधावा अर व्यवधान मोकळा। अडै मे ई देश रा विचारशील लोगा नैं लाग्यो कैं जद ताई राजनैतिक जीवन रें माय भारतीय नारी री भागीदारी सुनिश्चित नी करीजैला तद ताई अपेक्षित परिवर्तन नी आवैला। शिक्षा आर्थिक स्वावलम्बन अर राजनैतिक वर्धस्व अे तीन अेड़ा सून है जिका रें सारें भारतीय नारी री स्थिति म क्रान्तिकारी परिवर्तन आ सकैं। इणी सोच रें चालता आज राजनैतिक जीवन मे उणरी भागीदारी नी सुनिश्चित करण वेई लुगाया खातर ३० प्रतिशत आरक्षण री बात जोर-शोर सू चाल रैयी है। ई सोच रा ही परिणाम रें कैं देश रें कई हिस्सा म पचायती राज म बारी हिस्सेदारी तय करवा री दीठ सू ग्राम पचायत सू लेयर जिला परिषद ताई गारें खातर की एक पद आरक्षित करीज्या है। ई आरक्षण रा अनुकूल परिणाम भी सामें आवा लाग्या है पण बरसा सू जिको पुरुष समाज सतारी रास आपरें हाथ मे थाम राखी है वो जल्दी सू आपरा अधिकार छोडवा नैं तैयार नी है। पंच अर सिरेपद्म पति रें रूप म वो हाल भी आपरें वा अधिकारा नैं हाथ बसू राखवा बेई हाफळा मार रैयो है। उणरें ई हाफळा री एक बानगी माडीजी है अेक गाय री गोमती मे।

ई नाटक रें मिस श्री निर्मोही व्यास आपरें सामाजिक दायित्व रो निर्वहन कर्यो है। आज जद कैं साहित रें सामाजिक सरोकारा री बात प्रमुखता सू होण लागी है तद लेखक सू भी आ अपेक्षा वाजिव है कैं वो आपरें रचनाकर्म सू समाज म बदलाव रें अनुरूप वातावरण बणावै। यू तो राज आप कानी सू कानून कायदा रें सा रें सू बदलाव री चेस्टा करे पण किणी समाज नैं फकत कानून रें बढबूतै माथे बदलयो नी जा सकैं अर भारत जैडै पारम्परिक अर भावना-प्रधान समाज मे तो ओ हथियार जमा ही निमळो सावित हुग रैयो है। ईया भी प्रेम रो अनुशासन भय रें शासन सू घणो सबळो अर कारगर सिद्ध हुवै है। जकी बात तरक रें तीखा तेवरा अर सावटी बौद्धिक चरचावा सू नी राधै वा बात साहित रें माध्यम सू सहज ही बणे-सवरें। क्यू कैं साहित किवा भावना री ताकत-खास करनै व्यक्ति अर समाज नैं बदळणै री दीठ सू बुद्धि री ताकत सू सदाही सवाई प्रमाणित हुयी है। इण तथ नैं हृदयगम करता थका श्री निर्मोही व्यास इण नाटक रें माध्यम सू शिक्षा री महत्ता अर नारी रें मान-सम्मान री बात नैं उणरी सामाजिक सहभागिता री बात नैं उणरी कर्मनिष्ठा अर खिमतता री बात नैं अर भेळै ही उण री जागृति री बात नैं इण नाटक मे प्रभावी रूप सू उटायी है।

इण खातर वै गोमती जैडे सशक्त पात्र री रचना करी है। गोमती एक अणपट मोटयार री पढी-लिटी लुगाई है। साव सूधै भरतार री आ घर-दिराणी आपरी हिम्मत अर होराले रै पाण मूछयाळा मोटयारा नै लारै छोडै। शोषण अर अन्याव रै खिलाफ जूझती आ बाला सत्ता पायर भीसळै नी अधिकार पायर मद मे गैळीजै नी शिक्षा पायर गरवीजै नी। विद्या उणरै जीवन रो भूषण। आ विद्या उण मे सत अर असत नै परखण आळी दिवेक बुद्धि जगावै। उणरी सघर्ष री खिमता नै बघावे अर उणरै आत्म-विसवास ने पोखै। इण विध श्री निर्मोही व्यास गोमती रै माध्यम सू भारतीय नारी सामे एक आदर्श री थापना करै। एक अडै आदर्श री जिण मे या नारी रै अबला रूप नै नकारती उणरै शक्ति-स्वरूपा हुवणरी यात करै। अठै आ यात खास करने जाणवा जोग कै ई नारी री शक्ति रो मोटो आधार है उणरो नैतिक आचरण अर समाज री उपयोगी व्यवस्थावा अर स्वस्थ परम्परावा रै प्रति उणरो सकारात्मक सोच।

बात जद उपयोगी व्यवस्थावा अर समाजिक परम्परावा री चाल पडी तो अठै एक व्यवस्था पर थोडै विस्तार सू बात करणी चावूला। आ व्यवस्था है-परिवार नामक सस्था री व्यवस्था। आ सस्था जितरी मजबूत हुवैला वो समाज भी उतरो सशक्त अर सबळ हुवैला। क्यू कै वस्तुत व्यक्त अर समाज रै बीच रो सेतु है आ सस्था। हजारो नै हजारो बरसा रै अनुभव री उपज है आ सस्था। इण सस्था रो महत्व इतरी सी बात सू समझ म आवै कै आ सस्था स्वस्थ अर मजबूत है तो समाज भी स्वस्थ अर मजबूत है अर आ सस्था कमजोर है तो समाज भी बेमार अर निमळो हुवै। अँडै मे समाज नै बिखरता की ताळ नी लागै। साची पूछा जणास ता व्यष्टि रै उन्नयन अर समष्टि रै विकास रो आधार भी आ ही सस्था है। भारतीय समाज मिनखा जीवन नै जिण च्यार आश्रमा मे बाटयो है उण में सर्वाधिक महत्वपूर्ण है गृहस्थाश्रम। ओ गृहस्थाश्रम ही बाकी सगळा आश्रमा रो पोषक है। ओ ही बारो आधार है अर विवाह उणरी धुरी है। आपारै अठै विवाह एक समझोतो नी है अठै ता ओ एक पवित्र गठबन्धन है। ओ मिनख री निरकुश अर उद्दाम कामवासना री तृप्ति रो साधन भर नी है वरन उण असीम ऊर्जा नै व्यवस्थित अर सयमित करवा रो माध्यम है। आ विवाह नामक सस्था ही तो है जकी कै मिनख नै मिनख बणावै नीतर स्वराधारी जीवन अर निरकुश भोगवृत्ति न अपनाया वाद तो मिनख अर डागर मे फरक ही काई रैय ज्यावे। जे मिनख री भोगवृत्ति माथै अकुश नी लगायो तो उणरो पतन अवश्यम्भावी है इण खतर उण नै मर्यादित अर

सयमित जीवण जीवणरी प्रेरणा देवण अर उणरी उचित व्यवस्था करण वेइ भारतीय समाज म विवाह नै एक अत्यन्त पवित्र सरकाररी राजा दीरीजी है। विवाह नै बन्धा नै जन्म-जन्मान्तरा रो तातो स्वीकारीज्यो है। ई सोच नै लारे एक गूढ दर्शा है अर श्री निर्मोही व्यास उण नै मर्म नै समझ्यो है। तदही तो वै नाटक नै प्रारम्भिक दौर म गोमती अर ऊदै री बातचीत नै मिरा ई पवित्र रिशत री भारतीय समझ अर सवेदना नै वाणी दी है।

अठै लग अक गाव री गोमती नामक नाटक नै प्रतिपाद्य माथे विचार करीज्यो हे। आगे थोडी-सी घरचा इण ही सक्ता नै दूसरे नाटक री भी करल्या। जबरी करी जायोउ शीर्षक सू सफलित ओ लघु नाटक पैले नाटक सू विल्कुल भिन्न मिजाज रो है। जठै पैले नाटक म लेखकीय साध आदर्शवादी विचारा सू प्रभावित रैयो हे यठै इण नाटक में उणरो झुकाव यर्थाथ कानी ज्यादा लघावै। सास्कारहीन शिक्षा अर उपभोक्तावादी सस्चृति नै दुष्प्रभाव सू स्वरथ परम्परावा अर अनुकरणीय जीवनादर्शन तेजी सू ध्वस्त हुवता जा रैया है। स्वारथा सू सिकुडतो मिनख रो मन इतरो छोटो हुयग्यो है कँ उण मे अणजाण का अपरिचितारी तो बात ही अळघी आत्मीय अर स्वजना खातर भी ठोडनी बची है। अडे ही एक घोर सुवारथी घेते री हीणवृत्ति अर ओछी मानसिकता रो मर्मस्पर्शी अकन इण एकाकी मे हुयो है। यू ओ जथारथ नै धरातल पर रच्याडो नाटक है पण अन्ततोगत्या ओ नाटक भी मिनख नै अँडी वृत्तिया सू विमुख हुवण नै ही प्रेरित करै।

ऊपर नै विवेचन मे किचित् विस्तार रे साथै आ नाटका री वैचारिक पृष्ठभूमि माथे विचार करयो ह आगे सक्षप मे उणरी दूजी विशेषतावा री घरचा भी करल्या। नाटकीतया सू परिपूर्ण दृश्य-विधान अर्थ पूर्ण सवाद सहज सवेद्य भाषा आ नाटका री उल्लेखया जोग विशेषता है। इतरा कुछ होबा नै वावजूद भी खासो की बाकी है। शहरी परिवेश मे जीवा बाळो लेखक बौद्धिक स्तर माथे ग्रामीण समाज साथै जुडै पण भावात्मक स्तर माथे उणरै साथै जुडण खातर अर बारे अनुभव सत्सार रो साझीदार वणण खातर जिण नैकटय री जरूरत हुवै प्राय वो उणरू वचित रैवे। श्री निर्मोही व्यास भी इणरा अपवाद नी ह। आशा करू केये आपरे आग नै रचनाकर्म मे प्रवृत्त हुवण सू पैली ऊण्डी गोत लगावैला।

किरण नाहटा

ऐक गांव
री गोमती

अेक गाव री गोमती

पात्र

- | | |
|-----------|---------------------------|
| १ गोमती | अेक हिम्मत आळी लुगाई। |
| २ ऊदो | गोमती रो धणी। |
| ३ घमजी | गाव रा अेक समझदार पच। |
| ४ आसियो | गाव रो मोटियार पच। |
| ५ मगळजी | गाव रो लळयायरो सेठ। |
| ६ रमतियो | मगळजी रै भायलै रो भाणजो। |
| ७ सोहनलाल | गाव रो सिरैपच। |
| ८ धूडजी | गोमती रो वाप। |
| ९ धानकी | गोमती री मा। |
| १० भीमलो | गोमती रै भुआ रो वेटो भाई। |

पैलो दरसाव

(दिन री बेळा। मगळजी आपरी बैठक मे बैठयो सन्दूकडी मे राख्योडा गैणा गाठा सभाळै कैं बारै सू कोई रै आवण रो खडको सुणीजे।)

मगळजी

(सन्दूकडी नै पूठी बंद करता) लागै रमतियो आयग्यो दीसै।
(रमतियो माय आ जावै)

मगळजी

ऊदियो मिल्हयो क नीं ?

रमतियो

मिळग्यो।

मगळजी

कठै हो ?

रमतियो

घमजी रै अठै।

मगळजी

बारै अठै क्यू मरयो हो ?

रमतियो

थानै सायद ठाह कोनी। घमजी री लुगाई बीं सू धरमेळो घात राख्यो है।

मगळजी

बो फेर कद सू ?

रमतियो

होयग्या हौवैला दो-तीन मइना।

मगळजी

भळै।

रमतियो

अठै सू जणै-कणै भी बारै जावै समझो बारै घरे हीज दूकै।

मगळजी

ईं रो म्हनै नीं पतो। अवै कठै है ?

रमतियो

लारै बाडै मे गाया नीरै।

मगळजी

घमजी री घरआळी तो व्हात तेज है। बीं कोई पाटी ता नीं पढा दी बीं नै ?

रमतियो

पतो नीं। आ तो जरूर सुणीं कैं बा बीं नै बीनणी लेवण वास्तै सासरै जावण रो बार-बार कैंय रैयी है। (मगळजी हसबा लागै)

रमतियो

हस्या कीकर ?

मगळजी

तो काई ऊदियो सासरै जासी आपरी बीनणी लेवण नै ?

रमतियो

क्यू ? बो ला नीं सकै काई ?

मगळजी

ले आयो। सासरैआळा छोरी नै भेजसी जद नीं।

रमतियो

बानै भेजणै में काई दिक्कत है ?

मगळजी

दिक्कत। बीं बावळै सागै आपरी छोरी नै भेजर काई बानै बींरी जिदगी खराब करणी है ?

रमतियो

हा बात तो थारी सही है। बो लुगाई रै मामलै में तो सपफा डफोळ

हे। वीं नै ओजू दुनियादारी रो ही ग्यान कोनी तो लारै आवण आळी नै वो किया परोटसी?

मगळजी
रमतियो

वीं नै ता ओ भी नीं ठाह कै लुगाई हुवै काई है ?
जणे हीज लुगाया नै देखता ही वीं रो सास ऊचो चढ जावै। उण दिन सैणियै री बहन कोई काम सू म्हारै काँ आई तो वो अकदम इस्यो चिमकियो कै भाजर लारै वाडै में लुकग्यो।

मगळजी

लळवायरो है जणै हीज तो। वो जाणै ही कोनी कै मिाख-लुगाई रो मेळ काई है ?

रमतियो

पण अवै म्हनै लागै कै घमजी री लुगाई वीं नै कीं न कीं बारखडी तो पढाई है। जणे ही तो वीनणी लावण वारतै त्यार होयग्यो।

मगळजी

वीं रै त्यार होवण सू काई हुवै। जासी तो मू री खारी।

रमतियो

कींकर ?

मगळजी

बै लौग छोरी भेजणी तो दूर वीं नै घर रै माय ही नीं घुसबा दै। म्हँ तो वानै जाणू हू नीं।

रमतियो

काई पतो सासरै आळा नै दया आ जावै अर छोरी नै सागे भेज दै।

मगळजी

भेज्या रे भेज्या। वीं री जद मा मरी अर बीरा सासू-सुसरा अठै मोकावण नै आया तो वीं रै बाप घणो ही जोर देयर कैयो - अवै म्हारो घर सभाळण वाळी कोई कोनी। म्हँ ऊदै नै भेजू थे वीं री वीनणी नै मुकळावो कर'नै वैगी नडा दिया।

रमतियो

तो वा काई उथळो दियो ?

मगळजी

बोल्या-म्हारी छोरी कोई नासमझ कोनी। अठै आय र वींनै थारो खुणखुणियो नीं बजाणो।

रमतियो

खुणखुणियो।

मगळजी

वीं ऊदियै नै बै खुणखुणियो ही समझै हा। आ वाता नै च्यार साल होयग्या।

रमतियो

जणै तो हो चूकी बात।

मगळजी

अक खास बात भळै और कैयग्या - म्हारी छोरी अठै आज आवै ना कालै। भणी गुणी छोरी नै थारै अणपढ छोरे कनै भेजा काई म्हारो माथो खराब है ?

रमतियो

उण बगत वीं ऊदै रै बाप सू पूठो जबाब नीं देइज्यो ?

मगळजी

जबाब देवण जोगो होवतो तो देवतो। वो जाणै हों'कै वीं रै कानी सू टक्का बटिज्योडा है। वा दिना मे तो ऊदियै नै बोलणै रो भी सऊर कोनी हो।

रमतियो

अवै किस्यो है ? बाप रै मरया बाद सू तो अठै हीज है। म्हँ तो अवार तई वीं में कोई लूणलखण आळी बात देखी कोनी।

मगळजी

घमजी री घरआळी कोई फकीर सू, जे मादळियो लेयर ई रै बाध दियो हुवै तो ठाह नीं।

(इणी बगत ऊदो माय आ जावै)

- मगळजी ऊदो ऊदो
ऊदो घमजी रे घरा।
मगळजी ऊदो
ऊदो म्है कैया विना ही।
मगळजी ऊदो
ऊदो उण बगत थे अठै हा कोनी।
मगळजी ऊदो
ऊदो ओ रमतियो तो हो ?
मगळजी ऊदो
ऊदो ऐ भी निजर नी आया।
मगळजी ऊदो
ऊदो तो काई घर नै खुलो ही छोडग्यो ?
मगळजी ऊदो
ऊदो नी तो। बाडो उडकार गयो हू।
मगळजी ऊदो
ऊदो गयो रे गयो। बठै थारो काम काई हो ?
मगळजी ऊदो
ऊदो बाईजी सू मिळणो हो।
मगळजी ऊदो।
ऊदो याईजी घमजी री घरआळी सू ?
मगळजी ऊदो
ऊदो हा जी। या म्है धरम रो भाई मान राख्यो है।
मगळजी ऊदो
ऊदो कोई काम हो या इया ही हताई करणै गयो परो ?
मगळजी ऊदो
ऊदो नी गयो तो काम वास्तै ही हो।
रमतियो ऊदो
ऊदो यो ही तो बता काम काई हो ?
मगळजी ऊदो
ऊदो या नै पूछणो हो कै मुकळावै खातर काई करणो ?
मगळजी ऊदो
ऊदो मुकळावो।
मगळजी ऊदो
ऊदो हा जी। म्है परणीज्या नै पन्द्रै बरस होयग्या। ओजू तई मुकळावो नी हुयो।
मगळजी ऊदो
ऊदो पण मुकळावो तो सासरै में हुवै।
मगळजी ऊदो
ऊदो ओ तो म्है भी जाणू।
मगळजी ऊदो
ऊदो तो काई सासरै जावण रो मत्ती है ?
मगळजी ऊदो
ऊदो हा जी। क्यू बठै जावण में कोई आट है ?
मगळजी रमतियो
ऊदो आट तो क्यारी है। पण विना बुलाया जावण मे कोई इज्जत नी रैवै।
मगळजी ऊदो
ऊदो मामाजी ठीक कैवै। बै छोरी आळा है। बानै आपरी वेटी रो मुकळावो करणो है तो बानै चइजै कै बै तनै बुलावण रो न्यूतो भैजै।
मगळजी ऊदो
ऊदो तू जे खुद चलार बठै गयो अर बै मुकळावो करणै सू नटग्या तो ?
रमतियो ऊदो
ऊदो नट क्यू जासी ? म्है कोई औरगैर कोनी बारो जवाई हू।
मगळजी ऊदो
ऊदो (हसतो) अरे मामाजी तो थारै सू मसखरी करै है। बै भला क्यू नटसी।
मगळजी ऊदो
ऊदो तो ओ किरयो म्हारै कैये रो बुरो मानै है ?
मगळजी ऊदो
ऊदो बुरो क्यू मानू ? थे तो म्हारा माइत हो।
मगळजी ऊदो
ऊदो खैर तू आ बता सासरै तो पैली दफै ही जावैलो ?
मगळजी ऊदो
ऊदो पैली दफै क्यू ? अकर ब्याव हुयो जद गयो हो नी।
मगळजी ऊदो
ऊदो उण बगत तो ब्होत छोटी हो।
मगळजी ऊदो
ऊदो हा आठेक साळ रो हो।

मगळजी अथै तो तू सारसरै रो मारग भी नी जाणतो होरी ?
 रमतियो सारसरो ई रा है वटै ?
 मगळजी भोपाळसर ।
 रमतियो है तो थोडो अळगो ही ।
 मगळजी जणे हीज कैवू जावण री वयू जिह करै ? अळगी भू असीवा मारग
 अर आ लू वाजै ।
 रमतियो चालतो--चालतो आदमी इया ही अधमरो हा जावै ।
 मगळजी अर जे कुजोग सू कोई गळत ररतो अपड लिया तो ... ?
 ऊदो तो काई हुयो ? कोई दूजै गाव पूग जासू इतो ही तो ?
 रमतियो वटै सू फेर भोपाळसर आणो सहज कोनी ।
 ऊदो देखो थाकणी तो म्हनै आवै नी ।
 रमतियो पण खामद्या गोतो तो पडग्यो नी ।
 ऊदो इया पडो तो पडो । जठै तई बणसी सही मारग पूछया बिना आगे
 नी बधू ।
 मगळजी जणै वा । जरूर जा ।
 रमतियो कद जावैलो ?
 ऊदो सोचू कालै भखावटै ही निकळ ज्याऊ तो दुपारै तई भोपाळसर
 पूग जासू ।
 रमतियो फेर सोचणो क्यारो ? मतो ही कर लियो तो जा परो ।
 मगळजी (बडेरपणो दिखाता) लाटडी पाणी री सागै ले जाये ।
 ऊदो हा जी । बीरे बिना तो ई गरमी में पार ही नी पटै ।
 रमतियो दिन में तावडो लाय किस्सी कम बरसावै है । तिस्स तो लागणी
 ही है ।
 मगळजी कुरतियो काई ओ मैतो ही पैरयो राखसी ?
 ऊदो ई नै तो अबार धोय नै सूखा देसू ।
 रमतियो अर धोती ?
 ऊदो धोती तो इस्सी घणी मेली कोनी ।
 मगळजी म्हँ कैवू ई नै भी धो काढ । कुरतियो धोवै जद ई रे भी दो थापी
 मार दिये ।
 ऊदो थे कैवो तो दोना नै ही धो काढसू ।
 रमतियो जणै पैला ओहीज काम कर ।
 ऊदो इया तो पगरखी भी बोदी है ।
 मगळजी पगरखी तो बोदी भलै ही हुयो फाटयोडी नी हावणी चड्जै ।
 ऊदो फाटयोडी तो कोनी ।
 रमतियो जणै काई ? मारग मे धूड सू भरीजैली तो बिया ही ।
 मगळजी तू तो कपडा काणी ध्यान दै । आनै बैगासा घोयर सुखो दै ।
 ऊदो अच्छा जी । (कैयतो माय कानी जावै परो)
 मगळजी (जीम भीच्या भीच्या) आपणै मौज बणगी ।

रमतियो कींकर ?
 भगळजी ई री यऊ आसी तो आपणो कैयो तो पैला मानसी। फेर तो ।
 रमतियो फेर काई ?
 भगळजी आसी जणै रैसी तो अठै हीज ।
 रमतियो बा तो रैवणी ही है। ओ जद अठै रैवै तो बा कठै दूजी जगा जायर
 तो रैवण सू रैयी ?
 भगळजी ओ है बिलकुल लल्लू अर बा बतावै व्होत हुसियार। दडाछट तो
 या इगरेजी बोले ।
 रमतियो जणै तो बा ई नै कोई घास ही नीं घातैली ।
 भगळजी माजणा तो बा ईरा देखतै ही पाड लेसी ।
 रमतियो सही कैवो ।
 भगळजी जिकै रै मूडै बाई कँवता राण्ड नीसरै अडो आदमी तो छानो ही
 नीं रैवै ।
 रमतियो म्हनै लागै ओ लुगाई रै आगै ऊभो ही नीं रैवैलो ।
 भगळजी अबार दूर सू ही जिको लुगाई नै देखर भय खावै वो लुगाई कनै
 तो जा ही नीं सकै ।
 रमतियो ई रो मतळब है ई री राता तो खेत मे ही बीतैली ।
 भगळजी आ तो साम्हें दीखै ।
 रमतियो जणै तो ।
 भगळजी बोलो रैय। आगै री बाता कैवण री नीं हुवै ।
 रमतियो साची निबळो बीद बैर रो गिराक हुवै ।
 भगळजी लल्लूपच नै बैटी देवै जद पाडासी तो डागळै ऊभै हीज। पण तू
 कठैई म्हारै कनलै डागळै मत घढ जाये ?
 रमतियो (हसतो) थारै होवता थका काई ?
 (इण बात पर दोनू अडो हसै कँ हसता ही जावै हसता ही
 जावै। इण बीच पडदो भी हेटै गिरतो जावै।)

□

दूजो दरसाव

- गोमती (दुपारे री बेळा। धूडजी रो खेत। खेत रे अक नाकै ढाणी वणियोडी है। ढाणी रे आगै छिया में माचो ढाळयोडो है। कनै ही बोरी सू ढकी पाणी री मटकी पड़ी है। दूर सू ओळू रा गीतरी रागळी करती गोमती आवै।)
- (सागै ल्याई घास री भारी नै अक कानी न्हाखती खुदोयुद) लै रे जीवडा ओ काम करता-करता ही ऊमर बीत जाणी है। बारवीं मे अकर फेल काई होयगी जी सा नै तो गाव बुलावण रो मौको मिळग्यो। नीं जणै आज बी अे मे होवती। पण जी सा नै म्हारो मामाजी रे अठै सैर मे रैवणो ही नीं सुवायो। दोस अबै कीं नै दू ? भाग मे खेत रो खोरसो करणो ही लिख्यो हो बैठी करू हू।
- (इणी बगत काथै माथै झोळो लोटडी लटकाया अर हाथ में लाठी लिया ऊदो आ जावै)
- ऊदो (गोमती सू) तिस्स लागी है। पाणी मिळसी काई ?
- गोमती वयू नीं ! आ माटकी भरी पडी है। पीवो नीं।
- गोमती (ऊदो झोलीझडा हेटै राखर मटकी माथै सू बोरी हटावै)
- ऊदो काई साख मे ?
- गोमती माळी हू। (कैय नै मटकी सू लोटो भरै अर ऊभो ऊभो ही पाणी पीवै।)
- गोमती बैठ जावता।
- ऊदो बैठया कीकर सरै। आगै भी तो जाणो है।
- गोमती थोडी देर बिसाई ले लो फेर जाया परा।
- ऊदो वैठणो तो नीं चड्जै पण थ कैयो तो ल्यो थोडी ताळ बैठ जावू।
- (कैय नै माचै पर बैठ जावै।)
- गोमती साख पूछणै रो बुरो तो नीं लाग्यो ?
- ऊदो कीकर !
- गोमती अजकाळे कीं री जात पूछणी आछी नीं समझे। (कँवती अक ठोड बैठ जावै)
- ऊदो म्हारै गाव में तो म्हँ कदै इस्ती बात नीं देखी।
- गोमती गावा में ओजू ईं बात रो बुरो नीं मानै जगैई तो पूछयो। सैरा मे

तो जात कोई पूछे ही कोनी।

ऊदो देखो सा म्हें तो गाव रो आदमी हू। म्हें आ बाता नै काई जाणू?
पण अेक बात है। जे म्हें छोटी जात रो होवतो तो काई थे म्हने
पाणी नी पीवण देंवता ?

गोमती म्हें तो पेर भी पीवण देवती पण थाने जे आ ठा पड जावती के
म्हे हेटी जात वाळा हा थे काई अठे रो पाणी पी लेवता ?

ऊदो म्हारी समझ मे पाणी री कोई जात नी हुवै। तिस्स लागै तो जठै
पाणी मिळ जावै बठै ही पी लेवणो चड्जै।

गोमती म्हारो मत भी ओहीज है।

ऊदो जणै तो वा।

गोमती गाव किस्यो ?

ऊदो रायसर।

गोमती आगै कठीनै ?

ऊदो भोपाळसर तई।

गोमती जणै तो पूग्या समझो। ओ घोरे ढळतै ही भोपाळसर। बठे रीरै
अठै?

ऊदो धूडजी रै अठै।

गोमती धूडजी ।

ऊदो धूडजी गैलोत।

गोमती जाणगी। वारै अठै कीकर ?

ऊदो इया ही मिळबा नै।

गोमती वा सू कोई रिस्तैदारी है ?

ऊदो आहीज समझलो।

गोमती काई नाव है ?

ऊदो ऊदो।

गोमती (अेकाअेक घोंकती सी) आ नाव तो वारै जवाईसा रो है।

ऊदो हा। म्हारा वै सुसरोजी है।

गोमती (माथे पर झट पल्लो लेवती) जणै तो थे म्हारा बैदोई हो।

ऊदो किया ?

गोमती म्हें धूडजी री भतीजी हू। थाने जिकी ब्याही वा म्हारी बहण है।

ऊदो (हाथ जोडतो) राम-राम।

गोमती राम-राम। (अेकाअेक उठती) थे अबै थोडा थम्या। ई माथे पर

आडा होय नै कमर पाधरी करो जितै म्हें पूठी आवू। (कँय नै

फुरती सू भीमला ओ भीमला जोर जोर सू हेला पाडती दूर

गोमती चली जावै)

ऊदो (रुची आवाज में) अजी सुणो ता सरी।

गोमती (जावती जावती) म्हें घणी देर नी लगावू। अदाळ पूठी आई।

ऊदो (खुदोखुद) जोग री बात। पैलीपोत साळी जी सू ही मिळणो हुयो।

आ सू साररै रा सारा समाचार तो मिळ जारी । पण अक तरिया
 है आ नै आ कीकर रैयसू वं म्है घरवाळी नै लेवना वारत आयो
 हू । म्है तो कैवता ही सरम आवै । अक बात भळै जे आ घरवाळी
 रो गाव पूछ लियो जणै । म्है ता गाव ही नी जानू । पता नी लोग
 वाग तो आवै दिना साररै हो आवै । म्हारे तो पैलडवै में ही धूजणी
 छूट रैयी है । अक रगडो भळै और है । सारसूजी जे बीनी भेजणै सू
 मना कर दियो या ओ कैयनै के कातीसरो गीवडया पछै भेजसा
 टाळ दियो जद ? म्है सू तो आगै बोल्यो ही नी जावैलो । (गोमती
 नै अळगै सू आवती देखार) आवै दीखै । म्हारे माय आ सबसू बडी
 कमी है के म्है घोखी तरिया बात करणी नी आवै । मूडै सू कोई
 आवळ-कावळ बोलीजग्यो तो ?

(इणी बगत गोमती पूठी आ जावै)

गोमती
 ऊदो
 गोमती
 ऊदो
 गोमती
 ऊदो

काई सोचवा लाग्या ? आडा नी हुया ?
 आडो तो ई खातर नी हुयो के वठै नीद नी आ जावै ।
 तो काई हुयो ? घडी क ले लेवता नीद ।
 ना-ना । अठै सूतो कोई घोखो लागू काई ?
 क्यू नी लागो ?
 वा जी ? जठै कोई अकली डावडी हुवै वठै साची पूछो तो कोई
 मोटियार नै जावणो ही नी चडजै । म्है तो पाणी पीवण नै आयग्यो
 ओ ही ब्होत है ।

गोमती
 ऊदो

अजी मन साफ हुवै तो कठै भी जावो नी काई फरक पडै ।
 थारो सोचणो थारी जगै सही है । पण म्हनै तो ओ ब्होत अळखावणो
 लागै ।

गोमती
 ऊदो
 गोमती

लाग्या-ओ-लाग्या । ल्यो अबै नर्चीता होयर बैठो । भीमलै नै भेजर
 खाणो मगवायो है ।
 कठै सू ?
 लागती मे म्हारा अक बाबोसा है बारै अठै सू । (हाथ रो इसारो
 करती) इजा ओ पाखती खेत बारो हीज है । बै सै रात-दिन अठै
 खेत में ही रैवै ।

ऊदो
 गोमती
 ऊदो
 गोमती
 ऊदो
 गोमती
 ऊदो

आ तकलीफ क्यू करी ?
 ल्यो S S । ई मे तकलीफ क्यारी ? पावणा नै काई भूखो राखा ?
 म्हारो मतळब है गाव जाय नै जीम लवता ।
 क्यू, अठै जीमणो आछो नी लागै ?
 आ बात कोनी । पण अठै अकलो जीमतो घोखो नी लागू ।
 अजी आ कैवो कै साळी रै हाथ रो पुरस्योडो जीमणो नी चावो ?
 थे तो बात नै कठै री कठै लेयग्या । थानै बाता री इत्ती उकल कठै
 सू आ जावै ? इया लागै जाणै बाता री तो खाण हीज हो ।
 बाता रै सिवाय लुगाया नै आवै ही काई है ?

गोमती

(बात नै दूजी कानी मोड़तो) अ भीमलो जी कुण है?

म्हारी भुआ रो पेटो भाई।

अठै थारे सागै ही काम करता हुवैला ?

काम तो वयारो करै। हा खेजडी रै दैटै बैठयो खेत री रूखाळी जरूर करै। ई बात रो बरोबर ध्यान राखै के कोई डागर खेत में नी बड जावै।

आ तो ब्होत आछी बात है।

(इणी वगत भीमलो भाजतो सो हाथ में भातो लिया आवै)

बैगो आयो रे।

(भातो झलावतो) अके सास भाजतो ही गयो अर भाजतो ही आयो।

जणै ही तो सास भरग्यो। खाणो तो बणग्यो हुवैला ?

हा। जणैई तो बैगो सो घतवार पगोपग पूठो आयग्यो।

अेकर बैठ जाओ अर थोडो सुसतालो।

(भीमलो अेक जगै बैठर थोडो सुसतावै।)

(माय सू थाळी लाय नै खाणो पुरसती)

खाणो तो ओजू गरमागरम ही है।

इतै सै काम वास्तै आ नै बेमतलब ही तगगड दियो।

(थाळी आगै खिसकाती) तगगड दियो तो कुणसा ई रा पिराण निकळग्या? ल्यो जीमो।

थे भी तो जीमो।

म्हे तो घडी क पैला ही तो जीम्या हा। थे जीमो।

(ऊदो सरमा मरतो होळै होळै थाळी में हाथ घातै नै जीमणो सरू करै)

बाजरी री रोटया है नै फळया रो साग। जी सोरै सू जीमो। कोई ऊतावळ कोनी।

ऊतावळ तो अब वयारी है।

जीमण रै बाद ऊपर सू आ छाछ पी लिया।

(छाछ रो अेक घूट पी नै) छाछ तो ब्होत मौळी है।

भोर में बिळीणो कर्यो जद री है। (थोड़ी ठैर नै बाता रा चूटिया चटकावती) अजी हा म्हारी बहण तो थारी देख्योडी होसी ?

नी तो।

(पाणी रो लोटो भर नै कनै राखती) ब्याव हुयो उण बगत भी नी देखी?

उण वगत रो की नै ध्यान ? ब्होत छोटा हो।

अवै तो वा म्हारी जिती डीगी डघकळ दीखै। पण ।

सण काई ? **नागर।** २

कैवणी तो नी चूवै पण जीम बळी बस मे कोनी।

- ऊदो इस्वी काई बात है ? बतावण में की हरज है तो मती बतावो।
गोमती हरज तो कोनी पण बहण री बुराई करती आछी नीं लागू। थे भी काल नै की ऊधी सोचो।
- ऊदो (थाळी में ही चळू करतो) म्है तो कोई ऊधी सोचू नीं। थे नीं
गोमती वताणो चावो तो दूजी बात है।
खैर थे जद बुरो नीं मानो तो फेर म्हनै कँवण मे काई हरज है?
वात आ है सा ।
- ऊदो (थाळी अेक कानी खिसकातो) हा-हा कँवण मे सको
क्यारो?
- गोमती म्हारी बहण रो उणिजारो साची चोखो कोनी। कठै थे अर कठै
या? थारी तो जूती रै बरोवर ही कोनी।
- ऊदो कोई बात नीं।
गोमती पण कीं तो चैरो सावळ होणो चइजै। घीरा तो दात ही आगे सू
इया बारै निकळयोडा है कै देखता ही डर लागै।
- ऊदो अेडी काई बात है ?
गोमती हुबहू डाकण ज्यू लागै। नाक अेकदम फीडो अर आख्या जाणै
बैसकै पडी भँस री हुवै।
- ऊदो ई मे बीरो काई दोस ? आ तो भगवान री रचना है।
गोमती अजी रचना काई इस्वी ही हुवै काई ? कान अेक कानी हथिणी
रो सो लागै तो दूजै कानी रो कादै सू भरयोडी कुतडी रो।
- ऊदो जणै भगवान कीं सोच-समझर ही घडी है।
गोमती इस्वी, लुगाई नै सागै ले जावणो मिनख रो मान घटाणो है।
ऊदो थे कैयो जिकी तो साची पण अै तो जोग-सजोग री बाता है।
गोमती थे भी जोग-सजोग नै मानो काई ?
ऊदो क्यू नी ?
गोमती जणै विधाता जिकी लिख दीकै (हाथ रै इसारा सू समझावती)
बीं नै बीं सू ब्याव करणो है तो बोहीज हुवै ?
- ऊदो हुवै तो बोहीज। बारै लिख्यै नै कोई टाळ नीं सकै। सागै तो बाहीज
रैणी है जिकी भाग मे लिख्योडी है।
- गोमती (थाळी ले जाय नै अेक कानी माजती माजती)
मानी थारी बात। पण जीवती माखी िगळणै में काई सार है?
देखी नीं हुवै तो बात अलायदी। आख्या सू देखणै रै बाद अणजाण
बणर कोई भूतणी नै गळै लगावै तो ई में कुणसी अकलबदी है?
ऊदो देखो सा बडेरा कैयग्या कै मिनख-लुगाई री जोडी तो ऊपर सू
बणीजर आवै।
- गोमती (वात रो हुकारों देवती) आवै।
ऊदो सो म्है तो बडेरा रै कैयै नै टाळ नीं सकू। जिकै रै सागै फँरा लिया
है या भलै ही किस्वी भी हुवो म्हारै तो वाहीज आडी आसी।

- गोमती सोचो तो थे चावे दावे ज्यू पण ई में थारी जिद रै सिवाय और की नी है। म्हारी बात मानो अेकर फेरु सोचो। (कँवती थाळी राखवा नै माय जावै परी)
- ऊदो। (कोई उथळो नी देवै)
- गोमती (पूठी आय'नै) काई सोच्यो ?
- ऊदो काई सोचू ?
- गोमती थानै जे म्हारी बहण सू कोई सवाई मिळ जावै दीखत में भी बीं सू कई गुणा फूटरी लागै अर खासी पढी लिखी भी हुवै फेर भी काई थे बीं काळी भैस नै ही चासो ?
- ऊदो म्हारै चाया—नीं चाया काई हुवै ? भाग में जद भैस ही लिख्योड़ी है तो गाय कठै सू आसी ?
- गोमती जणै था तो पक्की धारली'कै म्हारी काळी कलूटी बहण रै सागै ही जीवन बसर करणो है।
- ऊदो बो तो करणो ही पडसी।
- गोमती बीरै सिवाय दूजी कोई दाय नीं आवै ?
- ऊदो म्हारै वास्ते तो बाहीज अपसरा है।
- गोमती बुरो मत मान्या ? म्हैं थानै जे आ कँवू'कै म्हैं खुद थारी चूडी पैरबा नै अर अठै सू ही थारै सागै थारै घरै चालबा नै त्यार हू जणै।
- ऊदो राम—राम राम—राम। ओ थे काई कँवो ? अेडी बात तो म्हैं कदै सोच ही नीं सकू। पराई लुगाई तो सदा मा—बहण रै बरोबर हुवै।
- गोमती जणै वा। आगै कँवण री तो अबै गुजाइस ही कोनी। थे जीत्या म्हैं हारी। वयू अबै तो राजी ?
- ऊदो ई में बेराजी होवण री तो बात ही कोनी। था कँयो म्हैं सुणी।
- गोमती बस ई में ही फुटरापो है। नीं जणै लोग कोई भी बात नै आगै सरकाता देर नीं लगावै।
- ऊदो अेडी घाईघूली सू भगवान बचावै।
- गोमती अच्छा अबै आ बतावो सासरै अबार ही जाणो है कै सिझया री गुदळक बेळा मे ?
- ऊदो अबार ही चल्यो जावू तो ठीक है।
- गोमती तो इया करो। ईनैकर आ अेक पगडडी है। पाधरी गाव कानी ही जावै। थे तो ई नै अपडलो।
- ऊदो गाव मे फेर कठीनै कानी मुडणो ?
- गोमती ... गाव मे बडता ही डावै कानी अेक ठाडो सो पीपळ रो दरखत है। बीरै चिपता ही रामदेवजी रो मिदर।
- ऊदो समझग्यो। डावै कानी पीपळ अर पीपळ रै लगता ही रामदेवजी रो मिदर।
- गोमती मिदर री लारली गळी मे मुडरणो तो जीवणै कानी तीजो छोड र चौथो घर घूडारामजी रो ही है।

- ऊदो जाणग्यो। अवै म्है जासू परो। (उठ'र लोटड़ी झोळे में घातै नै
लाठी हाथ में लेयर पगडडी कानी टुरणै लागै)
- गोमती सिधावो। अरे हा अठै विसाई लेवणरी बात रो कठै आगै जिकर
मत कर्या।
- ऊदो अजी अे याता कोई आगै कैवण री हुवै काई ? थे नेचीता रैवो।
(कैय नै पगडडी झाल लेवै।)
- गोमती (खुदोखुद) वा ओ पावणा। परीक्षा मे तो थे अेकदम खरा उतरया
हो। भगवान थानै लायी ऊमर देवै नै नीरांग राखै। (दरसका सू)
साची आ रै माय जिको मानखो है लोकलाज है कवळो हिडदो
अर अपणायत है वा दूजा में दृढया नी मिळै। अघरम तो औरै आसै
पासै ही नी फटकै। समाज नै आज अेडा ही सावै मिनखा री
जरूरत है। (खुदोखुद) लै रे जीवडा वाता कर्या काई हुसी।
नीनाण नी काढया तो जी सा काई कैवैला। चालू पैला ओ ही
काम करू। फेर पावणा पघार्या है तो गाव भी वैगो जाणो है।
(कैवती हसियो उठाय नै खेत में जावै परी कै लारै सू मच पर
अघारो घिरणै लागै।)

□

तीजो दरसाव

(सिझ्या री वेळा। घूडजी रै घर रो आगणो। धानकी वैठी
ऊखळी में खीघडो कूटै कैं बारै सू भीमलो आ जावै)
धानकी (भूसळ हेटै राखर) काई बात है भीमला ? आज तो वैगो घणो
आयो रे?

भीमलो तो अकलो बठै काई करतो ? गोमती बाई रै सागै म्हैं भी आयग्यो।
धानकी तो काई गोमती भी आई है ?

भीमलो या नीं आयती तो म्हैं य्यू आवतो ?

धानकी या है कठै ?

भीमलो गुवाड मे मामोसा ऊभा हा'कैं बा सू बाथेडो करया नै ठैरगी।

धानकी बा सू फेर काई बाथेडो करणो हो ?

भीमलो पतो नीं। खेत सू आई जद रीस मे मरीज्योडी हीज आई।

धानकी मळै। खेत मे कोई की कैय तो नीं दियो ?

भीमलो नीं तो।

धानकी तो फेर रीस आई की बात पर ? कठै कोई सू माथो तो नीं लगा
लियो?

भीमलो माथो तो बठै की सू लगावती ?

धानकी या कठै कोई टाटियो तो नीं खायग्यो ?

भीमलो खावतो देख्यो तो कोनी पण अक टाटियो ढाणी रै आगै मडरातो
जरूर देख्यो।

धानकी खेत नै अकाअक छोडर आवण रो कीं तो कारण होसी ?

भीमलो ओ तो बीनै ही पूछो।

धानकी रीस भी आई हुवै तो आ तो बतावै कैं आई कीं बात पर ?

गोमती (बारै सू आवती) आई कोनी रीस तो था दिराई है।

धानकी म्हैं तनै फेर काई कैय दियो कैं रीस आयगी ?

गोमती घणा डबूचा मती लेवो। म्हैं स्सो जाणू।

धानकी काई जाणै ?

भीमलो आ बात तो मती कैवो मामीसा। गोमती बाई सू कोई बात छानी

नीं रैवे ।

धानकी
भीमलो
धानकी
गोमती

पण कोई बात हुई हुई जद नीं ।
क्यू कूड बोलो ? आ यतावो आज दुपारै अठै कोई आया हा काई ?
अठै भळै कुण आवतो ? कोई नीं आयो ।

धानकी

क्यू काना मे डूजा देवो ? म्है नै थे काई अघगेली समझ राखी है ?
(की कड़कती सी) म्है पूछू रायरर सू आज कुण आया ?
तनै वीं सू काई मतळव ? कोई भलो माणस आवतो तो की नै
कैयता भी ।

गोमती

सरम करो मा सा की सरम करो । घर रै पावणा री काई भलै
माणसा मे गिणती नीं हुवे ?

धानकी

भला माणस किस्या हुवे जाणे ? तैं सू तो की समझ म्हारै में बेसी
है । अै माथे रा केस तावडै में धोळा नीं हुया ?

भीमलो

मामीसा थारा केस तो म्है सदा सू धोळा ही देख्या । अवे धोळा में
धूड क्यू घतावो ?

धानकी

तू बोलो रैय ।

गोमती

लोगा नै जद आ ठा पडसी के था पावणा रै सागै घणी माडी बात
करी है तो कोई थानै वाहीवाही नीं देवैला । अपूठा थूकैला थारै
मूडे ।

धानकी

तू बेटी होयर आ बात कैयै ?

गोमती

बेटी कैय नै क्यू मा रो मान घटावो ?

धानकी

गोमती ।

गोमती

गोमती थारे वास्त मरगी जणैई तो थे घर आयै पावणा नै
दुतकारता पूठो बारे गाव भेज दियो । ओ सोचर कै बेटी तो मरगी
अबै बारा अठै काई काम ? क्यू आहीज बात ही नीं ?

धानकी

तू काई भी कैय ? म्है थारी मा हू अर कोई भी मा आपरी बेटी रो
बुरो नीं चीतै ।

गोमती

तो वानै नाजोगी री बाता कैय र कुणसो थे म्हारो भलो कर दियो ?

धानकी

तो बुरो भी काई करयो ? जिकै मिनख मे रती भी मिनखचारो नीं
काई बीरै लारै भेजर म्हे थारी जिदगी नै गैण लगा देता ?
जाणबूझर तनै ऊडै दरडै में न्हाखर काई म्हानै कोई खुसी मिळणी
ही ?

गोमती

क्यू अलडी बाता करो ? अवे कोई चिनी सी गुडिया कोनी के म्है
की समझू नीं हू । म्हनै स्सो पतो है ।

धानकी

तनै की पतो नीं हे । तू जिकी चाता करै बा में थारो नीं थारी ऊमर
रा दास है ।

- गोमती म्हनै वरगळावो मती ।
 धूडजी (थारै सू आवता करडी आवाज में) छोरी लागे थारो माथो
 अजकाले की घणो सूजग्यो ।
- गोमती - । (कोई उथळो नी देवीं)
 धानकी मू मे आवै ज्यू बोल रैयी है ।
 गोमती - । (फेर भी बोली रैये ।)
 धूडजी कोई कैवे नी जितै ही काई ?
 धानकी गुवाड मे भी थानै की बोलगी बतावै ।
 धूडजी जणै हीज तो । ई बठै इतो ही कायदो नी राख्यो कै लोगा रै बीच
 में बैठये बाप रै सागै की ढग सू बात करी जावै ?
- धानकी म्हनै आ समझ मे नी आवै कै ई नै इत्ती राफडलीला मचाणै री
 जरूरत काई ही ?
- धूडजी इत्ती अकल कठै ?
- धानकी अवै बोलै क्यू नी ? इरयो काई माथे मे सोट मार दियो कै जबाडा
 चिपकग्या । बतावै क्यू नी काई हुयो ?
- धूडजी काई नी हुयो । ई रै भेजै में भणाई—गुणाई रो जिको कीडो बडग्यो
 बो कणै—कणैई किलबिळावण लाग जावै ।
- गोमती ई रो मतळव है थानै म्हारो पढणो—लिखणो दाय नी आयो ?
 धूडजी दाय नी आवतो तो म्हे तनै इसकूल में पढबा खातर थारै मामासा
 रै अठै सैर नी भेजता ?
- गोमती बा तो थारी मजबूरी ही । या दिना में थे गाव रा सिरैपच हा । खुद
 री बेटी नै नी पढाता तो लोग मैणो दिया बिना नी रैवता ।
- धूडजी इसकूल में तनै काई आहीज सीख मिळी कै मा—बाप रै साम्हे दावै
 ज्यू बोल देणो ?
- धानकी थोडी पोथ्या पढणी काई सीखगी ई रो तो बोळणै रो ढग ही
 बदळग्यो ।
- गोमती भगवान जवान दी है तो चुप क्यू रैवू? बगत पर बोळणो कोई बुरो
 कोनी ।
- धूडजी (की नरम पडता) तो बोळणै सू म्हे कोई मना करा हा ? पण
 सावळ तो बोल ।
- धानकी सेवट म्हे थारा मा—बाप हा । कोई बैरी कोनी ।
- गोमती ओ तो म्है भी जाणू । पण म्हारै वास्तै कदै कोई भली री सोची हुवै
 तो या बतावो ।
- धूडजी भलै री आ सोची कै थारै माथे जिकै भाग भरी ही वो अेकदम
 लिपळो है ।

- धानकी लिपळो फेर किरयोक ।
धूडजी ना वीं में उठणै-बैठणै रो सऊर है अर ता ही बोली-चाली में चोखो ।
- धानकी वीं है सागै रेवणो नरक भोगणो है । इण सू तो आछो ओ कै कोई भलो मोटियार देख र तनै वीरै लारै कर देवता ।
- धूडजी जकै सू तू सोरी सुखी तो रैय राकै ।
गोमती कीं और कैवणो है तो बोल जावो ।
- धानकी अवै और कैवणो कीं याकी बच्यो है? थारै जींसा तो सी वाता री अेक बात कैय दी । आगै तू जाणै ।
- गोमती तो जणै अवै म्हारी भी सुणलो । छाटै मू बडी बात कैवणी तो नीं चावू, पण अव कैवू नीं तो म्हारे ही हाण होवणी है ।
- धानकी कैय दै कैय दै । मन मे मती राख ।
गोमती पैला तो म्हनै आ बतावो था बा में अेडी काई बात देखीकै इट लिपळो ही कैवता हुया?
- धूडजी लिपळै में फेर काई कसर है? वीं मे जे थोडा-घणा ही लख्खण होवता तो खुद रो खेत होवतै थका दूजा रो हाळीपो नीं करतो?
- धानकी अजी जिकै सू खुद रो खेत नीं सभै वो लारै आवण आळी नै काई सभाळसी?
- धूडजी देख बेटी म्हनै तो वीं मे कोई भी तत दीख्यो कोनी ।
धानकी जिको दीखत मे ही सफा डोळबायरो दीखै बीरो पाणी परखणै री कोई जरुरत ही कोनी ।
- गोमती थे तो इया बोलो जाणै बानै साम्हे बिठाण र बारी सगळी हळघळ सापरतेक देख ली हुवै ?
- धानकी तनै काई म्हारे भाथे विसवास कोनी?
गोमती विसवास ता जद हावता जद थे बा सू आम्हे-साम्हे कोई बात करता ।
- धानकी क्यू म्हारो माथो खराब हो जिको वीं सू बात करता?
धूडजी आ बळद म्हनै मार क्यू भई? बात तो जणै करता जद वीं में कोई मिनखाचारो देखता । वो तो चैरै सू ही इस्त्यो लागै हो जाणै जेळ सू भाग्योडो कोई कैदी हुवै ।
- गोमती दूजै सबदा में थे ओहीज कैवणो चावो कै थे बानै पावणा जोगा नीं समझया?
- धानकी वींनै बार-बार पावणा कैवण सू थारो मतळब काई है?
गोमती पावणा नै पावणा कैवण रै लारै भी कोई मतळब हुवै काई? पावणा कोई धोया सू नीं घुपै । या मा'सा या । किन्ती वेजा बात है ?

घड़जतो तो थाँ ओ कै वै जद आया तो बा सू आछी तरिया
मिळता या सू बाता करता अर बारो हियो टटोळता 'कै वै किरयाक
है? फेर तो कोई बात बगती। थे तो बारै आवता ही गळे ही पडता
हुया।

भीमलो मामासा अठै तो म्है गोमती बाई री भीड बोलसू। था बा सू कोई
बातचीत ही नीं करी अर कूडो ही कैय दियो कै बा में बोली—चाली
रो ही सऊर कोनी। साची बताया था बा सू कोई बात करी ?
तनै काई ठा!

धानकी पावणा पूठा धिरता खेत रे कनैकर जावै हा 'कै टकरग्या। अठै री
भीमलो सारी बाता या म्हानै बतळादी।

धानकी। (कोई उथळो देंवतो नीं बण्यो)

गोमती बोलो मा सा। चुप्पी क्यू साघ ली ? काई थारै मन
में इत्तो ही नीं आयो'कै वै थारी बेटी रा सुहाग हा! काई वे धक्का
देयनै निकालणजोगा हा?

भीमलो अेडी दुरगत तो कोई अणजाणै बटावू रे सागै भी नीं करै।
गोमती अर था ओ भी नीं सोच्यो कै इत्ती दूर सू आयोडा है परायै गाव
में बारो थारै सिवाय कोई आपणो नीं है। दूजी ठौड कठै गोता
खावता फिरसी ? अर थे बानै टको सो जवाब देयनै पूठो तगड
दियो।

भीमलो कम सू कम पाणी पीवण रो तो कैवता।

गोमती आनै तो वै राकस लागै हा।

धूडजी देख क्यू जोर—जोर सू बोलर दुनिया नै सुणावै? म्हानै तो
साची—साची बता तू चावै काई है?

गोमती म्हनै म्हारो घर बसावण दो।

धानकी मतळब तू सासरै जावणी चावै?

भीमलो ई में पूछणै री काई बात है?

धूडजी तो नडा देसा। कोई घोखो दिन आवण दै।

भीमलो घोखो दिन समझर ही तो पावणा आया हा।

धूडजी पण वै अबै कठै मिळै?

भीमलो कठै काई खेत में बैठया है। कैवो तो अबार बुला ल्यावू?

धूडजी देख बेटी तू म्हानै गळत मत समझ। म्हे सदा थारै भलै री सोची।

भीमलो पावणा कैडाक है पैला आ तो देख।

भीमलो मामासा आ बात थारी अबै कोई मायनो नीं राखै। पावणा री अठै
आवण सू पैला ही गोमती बाई पूरी परीक्स्या ले ली। अर मजै
री बात आ कै वै हर तरै सू खरा उतरया।

- धूडजी आ यात तै पैला क्यू नी बताई?
- भीमलो थ बोलण रो म्हनै कोई मौको ही नी दियो।
- गोमती पतो नी थानै ओ बैम कठै सू होयग्यो 'कै पावणा अघगावळा है।
- धूडजी बैम नी हुयो म्हानै वीं सेठ बतायो जिकै रै अठै पावणा हाळीपो करै। नी जणै म्हानै काई ठा पडती ?
- गोमती अर जद ठा करणै रो मौको आयो तो चूकग्या।
- धूडजी आहीज गळती हुई। म्हारै माथे में पावणा रो बोहीज रूप छायो रैयो जिको सेठजी म्हानै बतायो।
- गोमती या सू थे कद मिळया?
- धूडजी जद थारा सासूजी गुजरया अर म्हे बठै मोकावण करावण नै गया।
- धानकी म्हानै जे आ ठाह होंवती कै पावणा म्हारी बेटी रै दाय आयोडा है तो इत्ती राफडलीला ही क्यू होंवती?
- भीमलो अबै तो बैम निकळग्यो ?
- धानकी हा। जणैई तो जी सोरो है।
- धूडजी (भीमलै सू) तू बैगो सो खेत जायर पावणा नै सागै लेयर आ। म्हा दोणा री तरफ सू माफी माग्यै अर कैथे कै बीती बाता बिसार नै धरै पधारो।
- भीमलो तेकी अर फेर बूझ-बूझर। अबार जावू अर बैन्दोई सा नै सागै लिवा ल्यावू।
- धूडजी (गोमती सू) अबै तो म्हारी बेटी राजी।
- धानकी अजी बेटी तो सासरै मे ही चोखी लागै।
- धूडजी म्है किस्यो जानू कोनी। राध्योडो धान अर खुद री जायी बेटी घणा दिन घर मे नी खटै।
- गोमती जी सा। म्है भी अदाळ तई अधारै म हीज ही कै म्हारै भविस वास्तै कोई नी सोचै। पण अबै ठाह पडी कै मा बाप सू बत्ती बेटी रो कोई भी भलो चावणियो नी है।
- धूडजी साची।
- गोमती हा जी सा।
- धानकी तू भीमला जावै क्यू नी ? पावणा बठै अकला बैठया चोखा लागै काई?
- भीमलो ल्यो म्है तो ओ गयो। (कैय नै झट चारै निकळ जावै)
- धानकी तू जे भीमलै सागै इसारो भी कर देती तो बात इत्ती बढती ही कोनी।
- धूडजी खैर अबै गई बात जावण दो। बेटी नै कालै सीख देणी है पैला वीरी त्यारया करो।

धानकी

कालै सीख नी देवा । पावणा पैली दफा तो आया है । इया वैगा नी जावण दा । मुकळावै में टैम तो लागरी ।

धूडजी

आ थे जाणो ।

धानकी

(गोमती रू) तू जितै कमला काकी रू माथो गूथवाइया । म्है पावणा खातर थोडी लापसी बणा तू ।

धूडजी

आछी बात है । थे मा-बटी काम मे लागो अर म्है लारै बाडे मे जावू । (कैय'ने बारै जावण लागै कै मच माथै अधारो घिरवा लागै)

□

- गोमती (दिन री वेळा। ऊदै रो घर। गोमती झाडू बुहारी करे 'कै अकाअक रमतिये सागै सेठ मगळजी भाय आ जावै)
(हडवडाती सी) काई बात है ? कुण हो थे? बिना बाडो खटखटाया भाय कीकर आयग्या ?
- रमतियो अरे ऊदै री बऊ तें आनै जाण्यो कोनी ? अ सेठ मगळजी है अर म्है आरै भायलै रो भाणजो रमतियो ।
- गोमती म्है काई जाणू ?
- रमतियो थारो बीद ऊदो आरै अठै हीज तो काम करै ।
- गोमती हा अबै जाणगी । आछी तरिया जाणगी । हुकम करो । कीकर पधारया ?
- रमतियो अै ओ कैवण नै आया है कै आरो मोटो ठाडो घर छोडर ई दूटयै-फूटयै टापरे मे आण री काई जरुरत पडगी ?
- गोमती टापरो चावै किस्या भी हुवो आपरो हावणो चडजै ।
- मगळजी आ भी मला कोई बात हुई । म्हारो घर कोई पराया है ? आगै-लारै म्हारै है कुण ? अक ऊदो हीज तो है ।
- गोमती ओ तो थारो वडप्पन है जिको थे बाने इयै लायक समझ्यो । पण ओ घर भी तो सूनो नी रैणो चडजै ।
- रमतियो काई ई डर सू तो नी कै सूनै घर में स्याळिया बस जावै ?
- गोमती ओहीज समझलो । रैवणो तो म्हानै अयै अठै ही है ।
- मगळजी ई रो मतळव है म्हारै अठै रैवणो थारै दाय नी आयो ।
- गोमती ना-ना इस्वी कोई बात कोनी ।
- मगळजी तो फेर अठै रैवण री आ अणूती जिह क्यू ? म्है कैवू, दोनू म्हारै अठै ही चालर रैवो ।
- रमतियो साची था लोगा रै वठै रैवण सू मामाजी तो राजी हुवैला ही अर ऊदै रै भी बार-बार बठै जावण रो तसियो नी रैसी ।
- गोमती जिका रो जठै काम हुयै वठै बाने जाणो तो पडै ही । कोई रै माथै किरयापर नी करै ।
- मगळजी आ बात तो सही है । पण जद बठै रैवण में कोई आट नी है तो फेर अठै तकळीफा उटाणै सू काई मतळव ?
- रमतियो वो जद वठै चल्थो जावै अर लारै सू तू अठै अकली रैवै आ भी

तो घोखी बात कोनी।

मगळजी जमानो द्योत खराब है ई वास्तै कॅय रैया हा। नीं जणै तो कोई बात नीं।

रमतियो म्हारी मान मामाजी रै अठै रैवण में ही थारी भलाई है। ऊदो खेत जावै तो पाछै सू फेर थारै अकली रैवण मे झझट कोनी।

मगळजी फेर म्हारै होंवतै थका।

रमतियो अ खुद अकला भला ही रैय जावो दूजै नै नीं रैवण दै। आ आरी खासीयत है।

मगळजी अक सू दो भला। थारै रैवण सू म्हारो मन भी लाग्यो रैसी अर थारो भी। म्हैं जे अकलो रैवू तो कीं सू बात करू ?

रमतियो दो जणा होवण सू बगत बीतता भी देर नीं लागै।

मगळजी इया कॅय कॅं बाता-याता में बगत जावण री ठाह ही नीं पडै।

रमतियो सायती सू सोच लै। थारै अठै रैवण में भलाई है कॅं बठै रैवण में?

गोमती म्हारी भलाई री बात म्हैं सोचती रैसू पैला थे थारी भलाई री सोचो।

रमतियो म्हारै भलाई री म्हे काई सोचा ?

गोमती ... सोचो ओ कॅं अठै सू चुपचाप जावण में थारी भलाई है कॅं कीं लदीड खायर जावण मे ?

मगळजी काई मतळब ?

गोमती मतळब तो म्हारी ई जूती मे है। ई नै हाथ मे उठावू या थे आपेई वारलो रस्तो देख लेसो ?

रमतियो (होळै सीक) मामाजी दीखै है अठै आपा री दाळ नीं गळणै वाळी। पूठा चल्यो चालो। ई मे ही सार है।

मगळजी पूठा तो चल्यो जासा पण ई नै अक बात समझा दै म्हैं सू राड बघाणी मैगी पडैली।

गोमती आ तो म्हैं भी जाणू राड बघाणी कोई सरस्तो सौदो कोनी।

मगळजी तो फेर इत्तो नखरो क्यारो ?

गोमती नखरो क्यारो ओ जाणणो चावो तो थोडा ठैरो ।

रमतियो .. ता-ना। म्हानै अबै नीं टैरणो।

गोमती तो बोला-योला सीधा जावो परा। नीं जणै म्हैं कीं बोलगी तो मू लुकावण नै ठौड नीं मिलैली। आ समझ लिया।

रमतियो मामाजी अबै चालो नीं। अठै घणो जम्यो रैवणो काळ रै काळिये नै न्यूतो देणो है।

मगळजी न्यूतो तो ई नै म्हैं देवूलो। थोडा क दिन निकळ जावा दै। (कॅवता रमतिये रै सागै झट वारै जावै परा)

गोमती (खुदोखुद) अरे थारै जिस्त्या गादडा म्हैं रोई मे निरा देख्या है।

अक ही दाकळ मे री भाग छूटता। (दरसका सू) जी सा नै आरै वारै मे ई हरामजादै ही तो भडकायो हो। अबै म्हैं ई रा फूतरा नीं उतार्या तो म्हैं म्हारी मा री जायी नीं। लुगाई जात नै काई इत्तो कमजोर समझ लियो कॅं बा मिनखा रै कॅये-कॅये ढळ जावै। ई नै

ओजू मरियल गादढया ही मिळी है। कोई सेरणी सू पालो नी पडयो। जणै हीज इती बाता आवै। अबकै कदै साम्हेको होबा दो। फेर देखसू ई री आख्या मे मिरच्या घातणी है कँ मूटै में जाजरु रो मैल।

गोमती

(इणी बगत वारै सू ऊदै रा बोल सुणीजे आज तो म्है घर रे काम में रुदयोडो हू। काले आसू आपरे अटै। रसो काम कर जासू। थे चिन्ता ही ना करो।)

गोमती

(सुदोसुद) अे तो आग्या दीरो अर म्है ओजू सफाई में ही लग्योडी हू। सफाई रो काम भी किरयो थोडो है ? मुलकावायरी तो धूड जम्योडी है। तीन दिना तई तो खख ही नी जावै। (वारै सू ऊदो काधे पर पाणी रो घडो लिया आवै)

ऊदो
गोमती

(भाज र घडो उतरावती) अवे वा। च्यार घडा पाणी आयग्यो। आपा नै तो यूटे कोनी। दो-अेक घडा फेर ले आवू। गाभा-लता भी तो धोणा है। जणै इया करो। म्हनै सागै ले चालो। दोनू अेक-अेक घडो मर ल्यावा।

ऊदो
गोमती

वा। म्हारै सागै चालती चोखी लागसी काई ?

ऊदो
गोमती

क्यू ? लुगाई रै काई कोई खीनखाब लाग्योडा हुवे जिको धणी रै सागै नी जा सकै ? तू समझै कोनी। गाव मे कीं न कीं कुरबकायदो राखणो पडै।

ऊदो

गोमती

या जी। थे भी खूब हो। म्हनै किरयो टाह कोनी कँ कुरब-कायदो किया राखीजे ? पण थानै ओ नीं पतो कँ जमानै रै सागै कुरब कायदा भी बदल जावै। देख म्हनै तो सिरफ हरफ बाचणा हीज आवै अर तू आगै तई मणीज्योडी है। अवे इयाकली बाता तू ही जाणै।

ऊदो

गोमती

और भी कीं कैवणो बाकी है ? साघी बात कैवण मे काई हरज है ? म्है तो फकत मगळजी रै फळसै तई हीज उळइयो रैयो अर तँ इसकूल जायनै ग्यान री पोथी पढणी सीख ली। पोथी रो ग्यान जद तई जीवण मे अपणावै नीं बीरो कोई अरथ कोनी।

ऊदो

गोमती

तो अपणावै नीं। आडी कुण दैवै ? फेर अटै तो कोई केवण वाळो भी कोनी। कैवण वाळो क्यू नीं ? पैलीपोत तो थे ही हो। अताळ झट बोल्याक नी - म्हारै सागै चालती चोखी लागै काई ?

ऊदो
गोमती

इत्ती लाज सरम तो अटै हर कोई राखै। पण म्है पूछू ई मे हरज काई है ? परणीजर धणी लुगाई सागै- सागै नी आवै ?

अेक गाव री गोमती/36

- ऊदो थारी बाता रो म्हारै कनै तोड कोनी। आगै बोल।
गोमती फेर थारी बिरादरी याळा टोकैला।
ऊदो वै टोकता रैयो। तू बारी कानी ध्यान ही मती दिये। नीं जणै थारो
गोमती ग्यान पोथी सू बारै नीं आवैलो।
जणै ठीक है। थे म्हारै सागै हो तो फेर म्हनै कीं रो ही डर कोनी।
ना पाडोस्या रो ना समाज रो।
ऊदो डरणै वाळी बात ही काई है ? म्हानै कोई री चोरी तो करणी नीं
गोमती अर ना ही कीं रै अठै धाड़ो न्हायणो जिको बुरो बाजाला।
अबकै धा म्हारै मन री बात कैय दी। म्हानै तो बस कुरीत्या री
बेडिया काटणी है जिका रै हेटै कितरा ही लोग दबियोडा-पिसियोडा
बैठया है।
ऊदो वा-वा ! थारी आ अेक ही बात लाख रिपिया री है अर म्हारै
गोमती अेकदम चित्त चढगी। ई बात पर अेक पाणी रो लोटो झला दे।
(घड़ै माय सू पाणी रो लोटो भरनै झलावती) देखो जी आपा
नै नुवैसर सू घर बसाणो है। ओ काम कोई सहज कोनी। आ
समझो कै अेक-अेक जिनस रै बढोबरत करणै में ताण आसी।
ऊदो तो काई करणो घड़जै ?
गोमती ओहीज तो सोचणो है। अच्छा आ बतावो सेठजी रै अठै थे कित्ता
बरसा सू हाळीपो करता रैया ?
ऊदो होयग्या होवैला कोई तीनेक बरस।
गोमती बठै काई काम करो ?
ऊदो घर में जिको भी हुवै।
गोमती खेत कुण सभाळै ?
ऊदो बो भी म्हनै ही सभाळणो पडै।
गोमती अर पगार कित्ती देवै ?
ऊदो आज तई तो कदै दी कोनी। हा कैवै जरूर है कै म्हारी पगार रा
पचास रिपिया हर महीनै म्हारै खाते में जमा हो जावै।
गोमती मण नगद हाथ मे कदै नीं झलाया ?
ऊदो नीं तो।
गोमती इण रो मतळब है ब्याज मिळार तीनेक हजार रै नैडेगेडे रिपिया
बारै कनै जमा है।
ऊदो ब्याज तो वै काई देवैला ?
गोमती वयू नीं देवैला ? जमापूजी पर ब्याज तो लागै ही।
ऊदो आ तू जाणै।
गोमती थे चिन्ता ही ना करो। म्है आपैई वसूल लेसू।
ऊदो कींकर ?
गोमती बारै घरे जायनै। मुकरे तो जाणै है नीं। सीधी आगळी सू घी नीं
निकळै तो थोडी टेडी करनै निकाळसा। पसीनै सू कमायोडी पगार
इया किया छोड देवा?

- ऊदो छोड़ने री तो बात कोनी। पण रोठ मगळजी आदमी ब्रोत लीचड है।
- गोमती लीचड नै कीचड म न्हाखणो म्ने आवै है। म्दारे सामै बारो लीचडपणो नी चालै। बा ज्यादा नानुकर करी तो फेर म्हे भी म्हारो पैतरा दिखाया बिना नी रैवाला।
- ऊदो लागै तू तो ब्रोत लड़ोकड़ी है।
- गोमती म्हे काई दू थे देखता चालो। हा अबै आ बतावो आपणै खेत रा काई हाल है ?
- ऊदो आपणै खेत री भी बुवाई हर साल हुवै।
- गोमती कृण करावै ?
- ऊदो करावै तो सेठजी ही।
- गोमती जणै धान भी बारे कोठार मे ही जातो हुसी ?
- ऊदो बो तो बठै ही जावै।
- गोमती बीरै सीर री पाती?
- ऊदो या भी वैहीज राखै।
- गोमती क्यू ? थानै क्यू नी देवै ?
- ऊदो ओ तो वै जाणै। पण देता भी तो म्हे राखतो कठै ?
- गोमती ओ टापरो फेर ब्यारे वास्ते है ?
- ऊदो अठै तो लारलै तीन बरसा मे म्हारो अफेर भी आणो नी हुयो।
- गोमती मानू। अकला हा। कोनी आणो हुयो। पण ई रो ओ तो मतळब कोनी कै वै थारी पाती रो धान भी हडप जावै ?
- ऊदो ओ तो बा सू पूछया बेरो चालसी।
- गोमती हुऽऽ॥ अफेर ओ टापरो साफ हो जावै अठै आपा की रैवण लाग जावा अर गाडी थोडी चीला आ जावै फेर बानै झिझोरसा।
- ऊदो हा। ओजू तो घूल्हो ही नी सुळगायो।
- गोमती (हासती) क्यू भूख लागगी काई?
- ऊदो अबै तो लागणी ही है।
- गोमती जणै ओ हाथ रो काम निपटार पैला रसोई में ही लागू। अबार तो रसो की सागै लाई हू।
- ऊदो काई बणासी ?
- गोमती कैवा ज्यू। थाडो सीरो बणा दू ?
- ऊदो ना-ना।
- गोमती तो लापसी।
- ऊदो हा आ हुई नी बात।
- गोमती सुभ टाकडे लापसी सू बत्ती की नी है।
- ऊदो पण बा मिळसी कणै ?
- गोमती बस रसोई घटावू, जिती देर समझो।
- ऊदो ई मे घटो अक तो पक्को लागैलो।

गोमती
ऊदो
गोमती
ऊदो

वयू जीमर कठैई जाणो है काई ?
हा । बाईसा रै अठै अकर हो आवतो ।
तो जणै पैला बठीनै हो आवो । पूठा आसो जित्तै रसोई त्यार है ।
फेर तो बैगो सो बठीनै रो अक चक्कर लगा आवू । (कैय नै धारै
जायै परो)
(गोमती बैगी बैगी युहारी करवा लागै 'कै मच पर अधियारो
घिरतो जायै)

□

(सिझया री बेळा। सोहनलाल सिरपच रै घर रै आगे री चौकी। सोहनलाल बैठयो छापो देखे। उळट पुळटर की वाचणो चावै पण पार नी पड़े। ऊमो होयर जोर जोर सू आसियै नै हेतो पाडे।)

सोहनलाल
आसियो
सोहनलाल
आसियो
सोहनलाल
आसियो
सोहनलाल

(हेलो पाड़तो) अरे आसिया SS ॥ ओ आसिया।
(आपरै घर सू) के है काका ?
अरे अकर अठीनै आये तो।
कोई खास काम है के ?
खास काम है जणैई तो।
आयो।

(खुदोखुद) मोटा—मोटा आखर तो फेर भी बाचलू। अे चित्री—चित्री सी लिकाटया तो म्हारे ओळखणै मे ही नी आवै। पतो नी लोग किया फटानफट बाचता ही हुवै। म्है तो अेक लेण बाचू जिकै में ही अध घटो लाग जावै।

आसियो
सोहनलाल

(घर सू आवतो) कींकर याद करयो ?
कींकर काई भाईडा घडी क पैला लाटूजी रो बेटो सैर सू लायनै ओ अेक छापो झलायग्यो। कैयग्यो ई मे पचायता रै नुवै चुनाव री खबर है। म्है तो ओ सारो उळट—पुळटर देख लियो म्हनै तो आ खबर कठै निगै नी आई।

आसियो

ल्यावो म्हनै दिखावो दिखाण। आ तो आपा रै वास्तै ब्होत खास खबर है।

सोहनलाल

जणैई तो। (छापो आसियै नै झलावै) तू तो छठी तई भणीज्योडो है। जो दिखाण कठै काई छपी है?

आसियो

(छापै रो अेक अेक पानो पळटर ध्यान सू देखतो) आ रैयी काका।

सोहनलाल
आसियो

बाच—बाच। काई लिख्यो है ?

(सरसरी निगै सू बाघतो) लिख्यो है अगलै महीनै राज री सगळी पचायता रै पचा अर सिरैपचा रा चुनाव होवैला। होवैला — जाणग्यो। आगे काई लिख्यो है ओ देख।

सोहनलाल
आसियो

(बाघतो बाघतो) थोडा ठैरो। (थोडी क ताळ में बाचर) ओ तो

रगडो होयग्यो काका।

रगडो फेर काई होयग्यो ?

थे तो अबकै सिरैपच वास्तै खडा नी हो सको।

क्यू भई ! म्हनै तो ओजू दस बरस ही नी हुया।

इण सू कोई मतळब कोनी।

क्यू ? मतळब क्यू नी ? लोग तो बीस बीस बरसा सू कुरसी पर जम्या बैठया है।

थे जिकी सोचो या बात कोनी।

तो फेर काई है ?

अजी आपणै अठै रायसर मे अबकी दफा कोई लुगाई ही सिरैपच बण सकैलीं।

क्यू ? म्हे कठै मरग्या काई ?

अजी लुगाया नै भी तो सिरैपच बणबा रो मौका मिळणो चइजे।

वा ! आ कोई बात हुई।

सरकारी निरणै रै आगै थे— म्हे काई कर सका ?

म्है पूछू — दूजी पचायता में कोई लुगाया कोनी काई ? आ हीज पचायत मिळी काई सरकार नै।

अै तो ऊची कुरस्या पर बैठण वाळा जाणै। छापै मे तो आज री खास खबर आहीज है।

इण रो मतळब ओ हुयो कैं अठै अबै लुगाया रो राज चालसी।

चालसी जिको तो चालसी। हा आ साच है कैं लुगाई जात सू सिरैपची रो काम निभणो दोरो है।

जिक्या नै कक्को ही माडणो नी आवै बै फाइला सू काई माथो फोडसी ?

हो सकै है सिरैपच बणबा रै बाद भणाई गुणाई सीख जावै।

करम सीख जावै। दस बरस तो म्हनै होयग्या आखरा सू माथाफोडी करता ओजू भी तीजी किलास री पोथी भी पढणै मे नी आवै।

थारी बात और है। थानै दूजे कामा सू ही फुरसत कोनी। पढो कठै सू ?

तो लुगाया किस्यी आपरै घर मे बेली रैवै ? गिरस्थी मे सौ काम हुवै।

फेर भी बै तो कोई न कोई टैम निकाळर आखर ओळखणा तो ही जासी।

इण सू काई होसी! अकल तो बाहीज रैसी जिकी बारी अेडी में हुवै। भेजो तो खाली रो खाली। काम काई धूड करसी ?

बिया भी आपणै गाव मे पढी—लिखी लुगाया भी है किस्यी ?

यस अेक ठाकरा रै बेटै री बऊ जरुर है जिकी पढी लिखी भी है अर हुसियार भी।

- आसियो पण वै तो सैर में जा बरया ।
 सोहनलाल बाकी तो कुण है ? या फेर थारी काकी है ।
 आसियो यानै काई आवै ?
 सोहनलाल कूडो—साघो आपरो नाव लिखणो तो आवै हीज है । बाकी तो स्तै
 ठठै मीडी ठोठ है ।
- घमजी (आवता आवता) कुण काई ठोठ है ? म्है भी तो जाणू ।
 सोहनलाल आवो—आवो घमजी । बिराजो ।
 आसियो बात लुगाया री चालै ओ SS । ई छापै मे समाचार छप्या है 'कै
 अगलै महीनै पचायता रा चुनाव होणा है.. ।
- घमजी भळै । जणै तो आपा री पचायती गई ।
 सोहनलाल बा गई जिकी तो गई । असली बात सुणो । आपणै अठै अबकलै
 सिरैपच री कुरसी पर कोई लुगाई ही बैठली ।
- घमजी क्यू ? ओ कोई जरुरी है ?
 सोहनलाल जरुरी है इणी वास्तै तो ।
 घमजी .. कीकर ?
- आसियो मिनख—लुगाई रै भेद सू परै हट्टर सरकार चावैकै की दस—बीस
 सैंकडा लुगाया नै भी सिरैपच बणवारो मौको मिलणो चडजै । इण
 वास्तै ठावै—ठावै गावा मे कठै दूळ्ळी जात आळा नै तो कठैई
 लुगाया नै सिरैपच रो पद देवण री ठाण राखी है ।
- घमजी अरे ताडी सिरैपच री कुरसी पर तो मिनख ही बैठया ओपता
 लागै ।
- सोहनलाल पण सरकार तो लुगाई जात नै बरोबरी रो दरजो देवणी चावै नीं ।
 घमजी तो काई सिरैपच बणवा सू बा मिनख रै बरोबर हो जासी ?
 सोहनलाल हुवो—ना हुवो आ सरकार जाणै ।
 आसियो सरकार जिके गावा मे लुगाया नै सिरैपच बणाणी चावै बी लिस्ट
 में आपणो गाय रायसर भी है ।
- घमजी इण रो मतळब ।
 सोहनलाल सरकार आपरी तरफ सू ओ निरणे ले लियो है कै आपणै
 अठै । सिरैपच री कुरसी पर कोई लुगाई ही बैठली ।
- आसियो जणैई तो ।
 सोहनलाल अब थे बतावो घमजी सिरैपच वास्तै अठै कुणसी लुगाई है जिकी
 फिट बैठै ।
- आसियो की थोडी पढी—लिखी भी होवणी चडजै ।
 सोहनलाल आपणै अठै लुगाया नै पढावै ही कुण है ?
 घमजी कोई नीं पढावै तो आ दूजी बात है । सरकार री तरफ सू तो
 इसकूल खोल राखी है । छोरया री अकदम न्यारी ।
 सोहनलाल इसकूल खोलवा सू काई हुवै ओ घमजी ? पढबा नै जावण वाली
 छोरया किती है आ देखो नीं ।

घमजी ओ तो थानै पतो होवणो चइजै ।
सोहनलाल पतो है जद ही तो कैवू । अजी आ अलडै कामा खातर की नै फुरसत है ?

आसियो पढाई नै थे अलडै कामा में गिणो जद तो काका हो चूकी बात ।
घमजी थानै तो कम सू कम आ बात नी कैवणी चइजै ।
सोहनलाल साची बात कैवण में मेणो कोनी । बाइ-बेटी जद आपरे घर में काम सू ही नी निवडे पढबा नै काई खाक जारी ?

आसियो कुळ मिळार कैवण रो मतळब ओहीज है 'कै सिरैपघ वारत कुणसी लुगाई ने खडी करा ?
सोहनलाल पटी-लिखी तो कोई दीखै ही कोनी ।
आसियो लेय देय नै अक नाव है अर बो है काकी रो ।
घमजी इया तो अक नाव और भी है ।
आसियो तो बतावो नी ।
घमजी ऊदै री लुगाई गोमती रो । बा दसवीं सू बेसी पढियोडी है ।
आसियो हा S S ! ओ नाव थे चोखो याद दिरायो । म्हें तो भूल ही ग्यो ।
सोहनलाल ओ तो ठीक हैं पण ऊदै मे अकल कोनी नी । आ कामा में बिना धणी रै कोई लुगाई अक पाखो भी नी हाल सकै ।
आसियो आ तो पक्की बात है । लुगाई री पीठ पर बीरे धणी रो हाथ तो होणो ही चइजै ।
सोहनलाल बात कडवी है पण है साची ।
आसियो सिरैपघ री फुरसी ही अंडी है वीं पर बैठण वालै नै हर बात री चोकसी राखणी पडै । गाव मे रात नै कोई हादसो हो जावै तो बीने तो बठै तुरत पूगणो ही पडै ।
सोहनलाल बीं वगत जे माटियार तकडो हुवै तो कोई काम वारतै दूजा रो मू नी ताकणो पडै ।
घमजी तो थे काई समझो ऊदो जावक ही डोळबायरो है या गेलो है ?
सोहनलाल गैला तो नी पण वा समझादारी भी कोनी जिकी ई ऊमर में होणी चइजै ।
आसियो ना काका इर्यी बात तो कोनी । समझदार नी होंवतो तो पटी-लिखी लुगाई नै अब तई परोटतो कीकर ?
सोहनलाल आ बात मत कैय । समझदार तो बा है जिकी ऊदै नै परोट रैयी है ।
घमजी ना थे साचा हो ना ओ साचो । असली बात तो आ है कै वै बींद-बरु दोनू ही समझदार है ।
आसियो थारा कैवण रो मतळब हे ऊदो अब कोई नासमझ कोनी ?
घमजी नासमझ हो कद ? ओ तो सेठ मगळजी जिस्तै लोगा डिडोरो पीट राख्यो होकै ऊदो अधगैलो है आडूलड है । आपरै कामा में बा बीने इर्यो उळझायै राख्योकै दूजी बात सोचवा रो ल्यायी नै कदै मौको ही नी मिळयो ।

- आसियो सोहनलाल आ तो म्हें भी कौवू। या तो ऊदै नै कीं सू मिळवा भी नीं दियो। गानी थारी बात। ऊदो अब रयाणा है समझणो है। पण है तो आपढ ही।
- आसियो रस्यो कोर अणपढ नीं। आरार बाचणा तो बीनै सरू ही आता ह।
- घमजी लुगाई री देखादेखी अबे तो वो पोथी बाचणो भी सीछग्यो।
सोहनलाल पोथी बाचणै सू काई हुसियारी नीं आ जावै ?
घमजी हुसियारी पोथ्या बाचणै सू नीं आवै तो वारी याता सू भी नीं आवै। हुसियारी आवै ईमादारी अर सजीदगी रै सागै काम करणै सू।
- सोहनलाल जणै तो म्हारी घरआळी हुसियारी मे रसी सू बती है। सिरैपची दास्तै वा वयू नीं टाडी हो सकै ?
- घमजी तो खडी करो नीं।
सोहनलाल कराला ही। म्हें बीरो हक वयू मारा ?
घमजी कुण कैवै कै थे बीरो हक मारो। इतो ही तो है दो जण्या खडी हो जारी हुयो।
- आसियो म्हारै तो को जची नीं। गाव रो भलो ई मे ही है कै अेक जणी नै खडी करी जावै।
- सोहनलाल नीं जणै ?
आसियो दूजै गाव रा लोग आ सोचसी कै अठै सपत कोनी।
घमजी तो करा काई ? गाव मे ऊदै री दीनणी रसी सू बेसी पदियोडी है। बीं ने जे खडी नीं करा तो चोखी बात कोनी। अठीनै आरी घरआळी रो हक खोसणो भी बुरो है।
- सोहनलाल अजी थे बीच मे आयर ओ नुवो फाडो नीं घालता तो कोई टटो ही नीं हो।
आसियो नुवो फाडो।
सोहनलाल ऊदै री लुगाई नै बीच मे ल्यार।
घमजी सोहनलालजी फाडो म्हें नीं था फसायो है। भिडतै ही आपरी घरआळी रो नाव उछाळर था बात नै बस आपरै कानी मोड लीन्हीं।
- आसियो बात तो घमजी री साची है। हालतोडी चालू पचायत भग नीं हुई। चइजतो तो ओ कै सगळै पचा नै भेळा करता अर फेर इण बाबत कोई पैसलो करता।
- सोहनलाल अरे छोड ई बाता नै। पचा म सिरैपच अबार म्हें हू। नुवै सिरैपच दास्तै म्हें कींरो भी नाव सुझावू, म्हने कोई रोक नीं सकै।
घमजी आ कोई बात नीं हुई।
सोहनलाल तो इत्ता बरस म्हें काई कारी भाड ही झोंफी ? कोई काम नीं करायो गाय मे ? काई म्हें इत्ता भी फायदो नीं उठा सकू ?
घमजी उठावा—उठावो। अब तई कदै कोई घाटो नीं उठायो तो अब फायदो वयू नीं उठावो। अेडा मोका बार—बार नीं आवै।

- सोहनलाल थे जिकी मीट मे बोल रैया हो म्हें रसो रामझू। आ भी जाणू वं ऊदै री यऊ रो थे वयू पख ले रैया हो ?
- घमजी जद जाणो हो तो बतावो वयू नी ? सको वयारो ?
- सोहनलाल इया बता दू किस्यो भोळो हू ? की बाता ओडी भी हुवै जिकी बताई नीं जावै।
- आसियो (घुटकी लेंयतो) वयू बतावण सू कोई रा पोत घवडे आ जावै काई?
- घमजी आनै काई पूछै ? म्हन पूछ। जिका हमेसा थूक रा घेपा लगावण रो ही काम करयो वै असली यात कदै बता ही नीं सकै।
- सोहनलाल ऊदो म्है घणी रीस मती अणावो।
- घमजी (अेकाअेक आयनै) रीस आयगी तो बावोरस सगळा नै गाव छोडणी रो हुकम दे देवैला।
- सोहनलाल घमजी ऊदा तू अटै वयू आयग्यो ? अै तो धारै माथै इया ही खार खाया वैठया है।
- घमजी धारो कोरो भडकाणै रो ही काम है कै कोई और भी धधो हे ?
- सोहनलाल घमजी ई मे भडकाणै री काई बात है ? थे अताळ ई री बात नै लयर रातापीळा नीं हुया हो तो बोलो।
- आसियो ऊदो अजी यात नै ह जटै ही ढावो। वयू येमतळव री राड बघावो ? आसू भाई राड तो यठै बघै जटै दोनू कानी अेक-दूजै री काट करणै री हाड मची हुवै।
- आसियो तू कैये जिकी यात तो ठीक ह पण जद जीम री लगाम ठीली पड जावै तो वा बळी लडाया री लाडी बणती देर नीं लगाव।
- घमजी लडाया मे फर लाडू तो बटणै सू रैया ?
- आसियो ऊदो एकेड लडै जिका रा माजा भी लाल हुवै।
- सोहनलाल वयू अणूती बाता करो ? म्है अर घमजी नै काई थे लडोकडा समझ लिया?
- घमजी सोहनलालजी सही कैवे। म्हा लाग़ा री नोकझोक तो सदा सू इया ही घालती रैव। पण म्हे कदै मन मे कडवारा नी लावा।
- सोहनलाल ऊदो अवै तो ऊदा तू आ बता सेठजी सामै खेत री जिकी झोडझपट चालै ही बा मिटी क नीं ?
- घमजी ऊदो कठै मिटी। इया वै राहज ही मे राजी होवण बाळा है काई ?
- सोहनलाल ऊदो वै कैवे काई है ?
- घमजी ऊदो कैवे-कागदा में म्हारै नाव रो कोई खेत ही कोनी।
- सोहनलाल ऊदो यी बगत ही झट उथळो दियो होंवतो कै म्हारै नाव तो कोनी म्हारै वाप रै नाव तो है।
- आसियो सेठजी ब्होत घाघ आदमी है।
- घमजी लाता रा गूल वाता सू नीं मानै।
- आसियो नीं जणे वै कोई रै कैय नै धारै ही कोनी।
- घमजी धारै तो काई कोनी। सेर नै कोइ सवा सर नीं मिळयो। इ री बीनणी

- कदौं जे बरिं सार्ग मडगी तो वै कोई सूणी गळी में भाजता ही निज आवैला ।
- ऊदो अजी म्हे रोचा वयू की सू बैर घाता । मिळजुळर रैवण में ही रागळा रो हित है । वयू बाबोसा ?
- साहनलाल देख लाडी थारे वँयै री म्हे काट नीं करु पण मेळमिळाप तो बरिं सार्ग राख्यो जावै जिवा दूजा नीं भी आपरो समझी । सेठजी ठैर पडरी रा पुजारी । बाणी भला थारै—म्हारै सू काई मतळव ?
- घमजी खैर आ बाता रो तो कोई छेडो कोनी । ऊदा तू अक काम कर । पगडै थारी वळु नै म्हारै अठे भेज्ये ।
- ऊदो वा तो आज भी बाईजी सू मिळवा नै थारै अठे हीज गई है ।
- घमजी जणै वा । बीं सू कोई यात पूछणी है वठे ही पूछ लेसू ।
- साहनलाल वयू जिकी यात पूछणी है वा ईं सू ही पूछलो नीं ।
- ऊदो यात काई है ?
- आसियो यात आ है रै भाया कँ थारी वळु नै अबकी दफा म्हे सिरैपच रो चुताव लडवाणो चावा ।
- ऊदो वयू बाबोसा रै होंवतै थका दूजे नै सिरैपच बनावण री आ काई सूझी ?
- आसियो अे तो अब खडा नीं हा सकै ।
- ऊदो वयू ?
- आसियो सरकार रा हुकम है । अबकँ अठे रो सिरैपच कोई लुगाई ही वणैली ।
- ऊदो तो लुगाया रो कुणसो घाटो है ? कोई बूढी—बडेरी नै जिकी समझदार हुवै यणा दो । अळगा ना जावो माय बडियाजी ही बैठया है ।
- साहनलाल पण बींनै अे लोग चावै जद नीं ।
- ऊदो वयू ? वा मे काई कमी है ? बाबोसा रै सार्गै रैय नै वा कीं सीख्यो तो है । दूज्या नै तो ओ भी पतो नीं कँ टक्कँ री टाग किस्पी हुवै ?
- साहनलाल चार आख्या वाळा री घतराई नै दो आख्या वाळा तो फेर समझ ही नीं सकैला आ सोघ लिया ।
- आसियो साची पूछो तो सिरैपच बाहीज होणी चइजै जिकँ म थोडी—घणी चतराई हुवै ।
- ऊदो घतराई मे तो बडियाजी भी घाट कोनी ।
- साहनलाल ना भई । वा तो अेकदम सीधी सादी है । बींरी गिणती चतर लुगाया मे कोनी आवै ।
- ऊदो पण वै हिम्मतवाळा तो है ।
- घमजी हुसियारी बिना हिम्मत रो कोई अरथ नीं रैवै ।
- ऊदो पण आपा ईं बात नै लेयर अबार सू ही वयू झिकाळ करा ?
- आसियो आपा नै तो आ बात पचा पर न्हाख देणी चइजै । वै जाणै बारो काम ।

- ऊदो सोहनलाल } ओ तो रूसै सू आछो । क्यू बाबोसा ?
 आसियो } म्हनै तो ई बाबत की नी कैणो ।
 घमजी } (कैय नै उठर माय चल्यो जावै)
 ऊदो } (अकैसागै) अजी सुणो तो सरी ।
 सोहनलाल } (माय सू ही) म्हनै की री नी सुणणी ।
 ऊदो } (जोर सू) अजी बडियाजी नै सागै लेयर अेकर बारे तो आवो ।
 घमजी } (जोर सू) क्यू ? बाखडी अर बैडकी रो काई मेळ नी कराणो ।
 सोहनलाल } (माय सू ही) थानै बीच मे कूदणै री जरूरत नी है ।
 आसियो } (जोर सू) अजी बीच में कोई नी कूदै । पण बैडकी नै न्यूतो देयर
 बाखडी रो माजणो क्यू भुडायो ? बीरा तो सींग ही लाबा—तीखा
 है । कटै काकी नै हेटै न्हाख दी जद ?
 सोहनलाल } (माय सू ही) अरे काकी रा जेठूता तू दोरो क्यू हुवै ? घमजी रै
 सागै तू भी घर रो रस्तो देख ।
 घमजी } हालो—हालो । सोहनलालजी मे घणी सैणसगती कोनी ।
 ऊदो } चोखो—चोखो । गाठ रो भरम बण्यो रैवे जितै ही ठीक है ।
 (कैय नै तीनू हसता हसता जावण लागै कै मच पर पडदो हेटै
 गिरतो जावै ।)

□

- मगळजी (दिन रो बगत। मगळजी री बैठक। तखत पर बैठया मगळजी रै मूडे माथै अर हाथा पर जगै जगै पाट्या बाघ्योडी है।)
- मगळजी (पीड सू टसकता खुदोखुद) बळी म्हारै सागै इस्वी घात करैली आ जे म्हनै पैला ठा होवती तो म्है बटै बाळण नै जावतो। जद वीं म्हारो हाथ मरोडयो तो नागडैखादो रमतियो भी साथ छोडग्यो। कित्तो घाव सू गयो कैं कियान—कियानकर अकर बींनै राजी करणो है। पण बा तो बागडबिल्ली ज्यू जावतै ही इस्वी अपटी कैं सारो मूडो नोच काढयो। मायली बात होटा पर लाय ही नीं सक्यो कैं उण सू पैला म्हारी तो बोलती ही बद कर दी। इस्वी ततैया निरची तो म्है म्हारी पूरी ऊमर मे ही नीं देखी। जबरी नागी है। सीधै मू तो बात ही नीं करे। भगवान बचावै इस्वी नागण सू।
- रमतियो (बारै सू आवतो) आल्यो वैदजी री दवा। दिनूगै—सिझ्या अक—अक पूडी पाणी रै सागे गिटणी है। (कैय नै हाथ में पूडया थमावै)
- मगळजी अै तो अबै लेवणी हीज हे पण म्हनै आ बता तू उण टैम होळै सी खिसक्यो क्यू ?
- रमतियो तो म्है बटे ऊभो काई करतो ? थे वीं सू ज्यू ही मीठी बाता करबा लागा कैं म्हे बारै निकळ आयो।
- मगळजी आयो—रे—आयो। बीं तो बळी बात टोरते ही इस्वी रगदड मचाई कैं म्हनै सभळणै रो मौको ही नीं दियो अर मार भवाभच—मार भवाभच सारो डील जरकाय काढयो।
- रमतियो थे बोलता नीं तो म्हनै ढाह ही नीं पडती कैं थानै बीं बोलण जोग ही नीं छोडया।
- मगळजी ओ तो चौखो हुयो तू बीच मे आयग्यो। नीं जणे बा तो म्हनै मार ही काढती। मूसळ हाथ मे लेय नै इस्वी लारे लागी कैं हाडिया स्तै तांड न्हाख्या।
- रमतियो भगवान भली करी कैं कपाळ किरिया सू बचग्या नी जणै ।
- मगळजी ... वौलो रैय। क्यू घाव मे गोभो घालै। उण बगत काई गुजरी आ तो म्है ही जाणू।
- रमतियो ओ तो थारो चैरो ही बता रैयो है।
- मगळजी अबै तो या कटै मिळ जावै तो म्है बींरै साम्हें ही नीं देखू।

- रमतियो
मगळजी अजी इस्यी वा कुणसी तीसमार खा है जिको इत्ता डरो ?
अरे तू ई वैम में मत रैये के वा कोई नियळी है ?
(इणी यगत गोमती वारे सू आय नै बोली बोली चाखट माथे
ऊभी रैय जावै अर दोना री वाता सुण)
- रमतियो अजी रैया दो। कदै म्हारै धक्कै घढगी तो दिखणादी रोई म ले
जाय नै कटै इस्यी पटकसू के घणा दिन याद राखसी।
- मगळजी दिखणादी रोई में इस्यो काई है ?
- रमतियो थे बढीनै कदै गया कोनी जद थानै काई टा ? बढै कित्तो ही
जोर-जोर सू रोवो-कूको दूर-दूर तई कोई सुणणियो ही कोनी।
- मगळजी ना-ना इस्यो काम मत कर्ये।
- रमतियो अजी थारे रागै जिकी वीं घोट करी है वा भूल नी सकू। म्है बीनै
अवै छोडण वाळो कोनी। म्हारै अवै लाय लाग रैयी है। जवानी रा
सारा झग मेट नी काढया तो म्हारो नाव रमतियो नी। हालताणी
बीं म्है देख्यो नी है।।
- मगळजी अक बात तो म्है भी देखी बीरी जवानी तो साची कपडा माय सू
झदझद करै ही।
- रमतियो जणैई तो म्है थानै अेकर पैला भी कैयो के अेडी बीजळी री तरिया
घमकणवाळी नै कोई कित्तो ही वाधर राखो बीरो पळको तो
आजू-बाजू पडया विना रैय ही नी सकै।
- मगळजी पण म्हनै इस्यी भी नी लागी के वीं कोई घाट-घाट रो पाणी पी
राख्यो हुवै। अेडी बात होंवती तो म्हनै देख र अेकाअेक यू
चिमकती कोनी।
- रमतियो थे काई भी कैवो म्हारो मन कैवै के वा कोई चालू फिडकली है।
गोमती (माय आवती) जणैई तो म्है फेरु थाने कनै आई हू। विसेसकर
ई रमतियै सू मिळया नै।
- रमतियो (धूजतो धूजतो) म्हा म्हारै सू काई काम है ?
गोमती काम क्यू नी ? रसे सू मोटो काम है दिखणादी रोई चालया रो।
वारे टोडियो ऊभो हे। तू अर म्हे दोनू चाला। क्यू काई जची ?
रो रोई वाळी बात आ कटै सू आयगी ?
- रमतियो भोळो मती बण। म्है बारै ऊभी-ऊभी रसो सुण चुकी।
गोमती त... तनै कोई वैम हुयो है।
रमतियो ओहीज समझलै। अरे अेडा मौका बार-बार नी आवै। सेटजी मूडै
गोमती पर आई खरुचा नै पपोळै जितै आपा बढीनै हो आवा। क्यू
सेटजी?
- मगळजी म्है.. म्हे तो इण वावत मे काई बोलू ?
गोमती हा S S !। थे काई बोलसो ? थे तो बोलण जोगा रैया भी तो कोनी।
(मगळजी तखत पर बढयो वैढ्यो हाथ जोडर मू सू माफी
भागण खातर की बोलणो चावै पण बोल नी सकै।)

- गोमती वा-वा । थे इया गळगळा मती होवो । गई बाता नै बिसर जावो । अजी म्हें तो थारी देटी बरोबर हू । क्यू रे रमतिया ?
- रमतियो म्हें तो आरो चाकर हू । कालें आ भूल सू सिलाजीत री अक फाकी ले लीन्हीं जिण रै कारण थारै अठे इत्ती राफडलीला हुई । अरी तरफ सू म्हें हाथ जोड नै माफी मागू ।
- गोमती तने तो माफी मागण रो हक ही कोनी । तू तो अंकर बोला रैय । अताळ म्हें आरै कनै अक काम सू आई हू । पैला बो हावण दै ।
- मगळजी बोल-बोल म्हा सू जो भी काम है झट कैय दै ।
- गोमती टाबर जाणर म्हनै म्हारै खेत रा कागज झला दो । था सू बस आहीज अरदास है ।
- मगळजी क्यू नी ? (डरूफरू से हुयोडो रमतियो नै कनै बुलार बी रै काना मे की कैवे)
- रमतियो म्हें अवार लाय नै दू । (कैय नै माय जावै परो)
- गोमती न्याल करसी । (मगळजी सू) अवै दूजी अरदास आकै बा थारै अठे तीन साल तई हाळीपो करयो नै घर रो सारो खोरसो भी । करयोक नी ?
- मगळजी करयो । यरोबर करयो ।
- गोमती पण था बानै पगार रो अक टक्को भी आख्या नी दिखायो ।
- मगळजी (हा मे हा मिळातो) कोनी दिखायो ।
- गोमती आ तीन साला म चारी जिती भी पगार वणै सूद समेत चुपचाप लाय नै म्हारै हाथ म झला दो । नी जणै म्हनै रीस आयगी तो ।
- मगळजी ना-ना बऊराणी आ रीस तनै सोभा नी देवै । साची बात तो आ हे कै पगार बठे दी जावै जठे कोई परायो काम करतो हुवै । ऊदो तो म्हार अठे टाबर दई रैयो ।
- गोमती तो काई टाबरा नै आपरो घर बसावण सारू की नी चडजै ?
- मगळजी क्यू नी चडजै ?
- गोमती जणै ?
- मगळजी पला म्हारी बात तो सुण । तै जिकी घर बसावण री बात करी इण सू म्हें तो खोत खुस हू । चावै मदद रै रूप में मान लै चावै ऊदै री पगार रै रूप मे म्हें तनै पाच हजार रिपिया रोकडी देवू, अवै तो राजी ।
- गोमती म्हनै मदद नी पगार चडजै ।
- मगळजी तो ई नै पगार समझले । अरी बावळी म्ह तो उण दिन ही कैयोके म्हारै आगै-लारै ऊदै रै सिवाय और कोई कोनी ।
- गोमती थे चिन्ता ही ना करो । म्हे थासू कोई अळगा नी टा ।
- मगळजी ओ ता म्हनै बिसवास है ।
- रमतियो (इणी बगत माय सू रमतियो कागद लाय नै गोमती नै झलावै) अहीज है नी ?

गोमती (चोखी तरिया देख र) हा अहेज है।
मगळजी रमतिया आ चावी लै। ऊपर वाळै आळै मे पाच हजार री अक
गडडी पडी हे। बा भी ई नै लाय नै झला दे।
रमतियो (चावी लैय नै) अवार ल्यो। (पूठो माय जावै परो)
मगळजी तू ऊभी क्यू है ? बैठ नीं।
गोमती ना—ना म्है ऊभी ही चोखी। लुगाई जठै अकर बेट जावै बा फँर
बठै सू बैगी नीं उठे।
मगळजी बात कूडी कोनी। अरे हा ऊदो सागै नीं आयो ?
गोमती वै तो कणैई घमजी रै अठै गया जिका पूठा घिरया ही कोनी।
मगळजी ऊदो व्होत स्याणो हे। इत्ता बरस म्हारै अठै रैयो अक दिन भी
इस्यो नीं के वीं कदै कोई अणूती बात करी हुवै।
(रमतियो माय सू नोटा री गडडी लाय नै गोमती नै झलावै।)
रमतियो गिण लै।
गोमती बैक सू निकळयोडी गडडी है। ई नैं काई गिणणो ?
मगळजी आ तो थारे कनै राखलै अर अक बिनती म्हारी भी सुणबा री है।
गोमती बिनती नीं थे तो हुकम करो।
मगळजी (हाथ जोड नै) आज दिनूगै—दिनूगै थारै अठै जिकी अणओपती
केवासुणी हुई उण बाबत तू कोई ध्यान मती दिये।
गोमती अजी ओ तो म्हैं थानै पैला ही कैय दियो कै बीती बाता नै बिसर
जावो।
मगळजी जणै वा।
गोमती हा रमतिया तू अक बात सुण लै। तै कदैई औलै छानै कोई घात
करणे री चेस्टा करी तो मूडौ दिखावण जोगो नीं छोडूली। आ याद
राख लिये।
रमतियो ना—ना अेडी कोई बात नीं हुवै।
गोमती चोखी बात है। पण आगै सू चेताचूक होवण री मूरखता मत
करयै।
रमतियो (ऊदै नै वारै सू आवतो देखर) ओ ल्यो ऊदै नै याद करयो ऊदो
आयग्यो।
ऊदो (माय आवतै ही मगळजी नै देखर) अररर 55 !! ओ काई हुयो?
रमतियो आज दिनूगै अक गोधो लडतो—मिडतो आरै माय आ पडयो।
जगै—जगै तो चामडया छिलगी अर हाड जरकीजग्या जिका
न्यारा।
गोमती भगवान नै बचाणो हो जिको बचा लियो। नीं जणे आज तो जबरी
हुयती।
ऊदो म्हनै तो वाह ही नीं पडी।
गोमती थे अक जगै टिको जद नीं। म्हैं तो वाह पडतै ही पूछबा नै आयगी।
ऊदो चोखो करयो।
मगळजी आपणो हुवै जिको तो पैला पूगै।

ऊदो मगळजी ऊदो रमतियो ऊदो रमतियो ऊदो

म्हं धान कॅयो हो ती थारी आ बीण्णी ब्रोत समझदार है। जणैई तो सुणता ही भाजी अइ। पाटीपोळा तो सफा खाते वाळा कर्या हुवेला ? एा वठै सू पाधरा सफाखाती ही गया। ओ आछो कर्यो। ती जणै तबलीफ घणी हो जावती। तू अताळ अेकाअेक अठीगी बींकर आयग्यो। म्हं तो म्हारै बी खेत वारतै ता-ता अवार थे आराम क इरयी कोई खतावळ को ही। सावळ एा जावो फेर कदै बन कररा।

मगळजी ऊदो

खेत ता ।
ता-ता अवार घणा ता बोले। फेर कणैई वात। (कॅय गोमती सागे बारै निकळ जावै)
(मगळजी माथो झालर बैठ जावै)

रमतियो

मामाजी ई ऊदै री लुगाई रै आगे तो थे अवै पग-पग लुळता रैया हो। इया कीकर काम घालरी ?

मगळजी

देख म्हारे भेजे नै तो लकवा मारग्यो। अवै तू जाणे धारो क पण आ देख लिये बीं सू भीडणो सहज नी है। ऊदरी रो कि कोनी कँ झट हाथ घात देवै। सरपणी रो मिल है। माय हाथ घा ही काट खावैली।

रमतियो

आ तो म्हँ भी जाणू। पण ई सरपणी नै जद तई अपड नी लू । घैन कोनी। नखरो तो अब ई रो भागणो ही है।

मगळजी

पक्की धार ली काई ?

रमतियो

अवे ता इ नै किणी भी तरै जाळ मे फासर कठै इरयी जगे ले कँ फूफाडा करणा ही भूल जावै।

मगळजी

देख भाया अेकर फेरु कँचू ओ सैर कोनी गाव हैं। अठै बु साघणो ही मना है। म्हारी मणी मरगी कँ म्हँ सदा अणूता ही क करया। आज म्हनै आरी सजा मिळगी। इण सू तनै भी अवै सीख लेणी चइजै। आगे जू जाणे।

रमतियो

मामाजी अबै म्हनै टोको मती। सैर सू आवण रे बाद म्हँ आज मन री कोइ बात नी करी। अबै म्हनै खुल्लो खलवा दो। जद म्हँ ई आग ने टडी नीं कर कादू, सुख सू जी नीं सकू। अवै ट अर म्हँ हू।

मगळजी

(कॅय नै फुरती सू बारै जाव परो)
(खुदोखुद) लागे है घमासाण हुया बिना नीं रैवै। भगवान ई सदबुद्धि देवै।
(इण रै सागे ही मच पर अधारो घिरता जाव।)

(दिन रो बगत। ऊदैं री घर री आगली बैठक। हर जिनस सलीकैं सू आप आपरी ठीड मेल्योड़ी है। इया लागैं कैं जाणें भणया गुणया रो रैवास हुयै। वारैं सू आसियो हेला पाडे ऊदो घर में है काई ?)

ऊदो
आसियो

(माय कानी सू) कुण आसू भाई ?
हा।

(माय सू आय नै वाडो खोले अर आसीयै नै माय बुलावे आवो-आवो)

आसियो
ऊदो
आसियो
ऊदो
आसियो

माय काई करे हो ?

बैठयो माचै री दावण कसै हो।

ठीली पडणी ही काई ?

(हसतो) बा तो पडणी ही। बोलो कीकर आया ?

कीकर काई ? थारै सुसरोजी सू मिळबा नै आयो हू। सुण्यो अठै आयोडा है।

ऊदो
आसियो

हा। बेटी रो घर यस्यो देखणो चावै हा सो आयग्या। बैठो तो सरी। बैठू काई चाजो तो सारो बिगडतो जा रैयो है। सोहन काका तो आपारी जिद माथे अडयोडा है। बै काकी नै हीज कुरसी माथे बिठाणी चावै।

ऊदो
आसियो

तो बिठाबा दो। आपा अेकर बोलो मती।

नी ऊदा नी। अेक दफैं वारी जिद जे पूरी होयगी तो आगैं हमेसा वारी ही जिद चालैली। अेकर छूट दीवी नी कैं आपा रो गोडा लाग्या नी।

ऊदो
आसियो

मैं समझ्यो कोनी।

अरे तू बानै नी जाणै। वारो पैलो काम है बैरी नै हेटै गुडकाणो। इत्ता काइया है कैं जीत्या नी कैं फेर आपा सू बदळो लिया बिना नी रैवै।

ऊदो
आसियो

आपा जे आपणै मुद्दे मे सावचेत रैवा तो बै की नी कर सकैं।

अरे तू इयै पैम मे मत रैये। बै जिका तिकडमा रा तीर छोडे आपणै कनै वारो कोई तोड कोनी। म्हारी बात मान। काकी रै साम्हें थारी लुगाई नै खडी करणी ब्होत जरूरी है।

- ऊदो अेडी बात हे तो बा त्यार है ।
आसियो हा आ हुयी नीं बात । तो बीगणी नै कँय दिये काले ही परचो भरणो हे ।
- ऊदो परचो तो बा भरभरा देरी । महताऊ बात आ है के अवे बीं नै घर-घर जावणा पडेला ।
- आसियो जावैली जद ही लोगा नै ठा पडरी के सिरैपच दास्तै कुण सही है अर कुण गळत ।
- ऊदो ई मामले मे तो भाईसा थारी काकी भी कम कोनी ।
आसियो कमती तो कोनी पण अजकाले बा में इत्ती अक्कड आघणी के दूज नै तो की समझे ही कोनी । अवे तो वै घर-घर जावण में भी अपरी हेटी समझे । अर ओ काम इस्यो है के जणै-जणै री मनुवार करणी हीज पडै ।
- ऊदो जणै नुवी-नुवी लुगाया सू मिळया नै अर मेळ घातबा में तो थारी बऊ ब्होत आगै है । इया भी बा गाव री लुगाया मे घेतना री अळख जगावणी चावै है ।
(इणी वगत बारै सू खूमलै रो हेला सुणीजे घर में कुण होसी?)
- ऊदो म्हँ हू ऊदो । कुण हो माय आ जावो ।
आसियो म्हनै लागै पचायत रो गामसेवक खूमलो है । पण ओ बळयो अठै कीकर?
- ऊदो (हौळेसी क) कँडो क है ?
आसियो ब्होत ही नुगरो अर गयाबीतो । ई री छाया पडणी भी चोखी कोनी ।
ऊदो आबा दो । पैला पतो तो लागै क्यू आयो है ?
आसियो (खूमलै रो खखारो सुणर) आययो दीखै ।
खूमलो (माय आय नै) ऊदो थारो हीज नाव है ?
ऊदो हा जी ।
आसियो क्यू, तनै ई सू काई काम है ?
खूमलो (बूकिया पर हाथ फेरतो) आसू भाई खूमला बेवजे कठई नीं जावै ।
- आसियो जद तू ई नै जाणै ही कोनी तो अठै आवण रो मतळब ?
खूमलो अताळ बतायो नीं म्हारे आवण रो कोई न कोई मतळब हुवै ।
आसियो म्हँ भी तो आहीज बात पूछ रैयो हू ।
खूमलो पण म्हारो मतळब जाणबा रो थानै काई मतळब ?
आसियो देख म्हारे मतळब री भासा तू समझैलो कोनी । नीं जणै तो म्हँ बताता देर नीं लगावू ।
- खूमलो आसू भाई थे तो खामखा बीच मे टपक रैया हा । म्हँ आयो हू ई ऊदै रै कनै अर था बीच मे ही थारी बेमतळब री डफली बजाणी सरु कर दी ।

आसियो इण बारतौकै थारी डफली कठे सरु नी हो जावै। बा खोता रे सुरा सू भी ऊची बाजै।

खूमलो थे कैवणो काई चावो हो ?

आसियो ओकै थारो पगफेरो कठे ही आछो नी रैयो। म्है तने कई जगा देख चुकयो।

ऊदो भाईसा थे थोडा थमो। पैला ई नै आपरी पूरी बात कैवण दो।

आसियो ओ काई फेरती म्है सू छानो कोनी।

खूमलो था सू तो म्है अकलो हीज छानो कोनी पण म्हारै सू तो कोई भी छानो नी है। म्है सगळा री रग-रग जाणू।

ऊदो जाणता हुवोला। अबै म्हनै बतावो म्हारै लायक काई सेवा है?

खूमलो सुणी है थारी लुगाई अजकाळै अपणैआप नै तीस मारखा घणी समझण लागगी ?

ऊदो कुण कैय दियो थाने ?

खूमलो कैवै कुण ? म्हनै किस्यो बेरो कोनी ? अताळ कैयो नी कै म्है सगळा री खबर राखू।

आसियो हे SS ! तनै की खबर है न कोई बात। तू तो म्हारै सिरैपच काका रो रबड रो रमतियो है। वै ज्यू घावी देवै तू बोल जावै।

खूमलो लागै थारी थारै काका सू बणै कोनी ?

आसियो वा सू तो खूब बणै। पण वारी अणूती बाता म्हनै दाय नी आवै।

खूमलो कोई काकै रो भतीजो तो थाने ही देख्यो जिको बेमतळव बा सू खुदक काढ रैया हो।

आसियो बै जे म्हारा सगा काका भी होवता तो खरी बात कैया बिना नी रैवतो। ई नै चावै खुदक समझ चावै और की ?

ऊदो म्हारी समझ में आ नी आवैकै काकै भतीजै री बाता नै अठै बीच में क्यू लावो ? म्है तो ओ जाणवो चावूकै म्हारी तीसमारखा लुगाई रो थे काई कोई इलाज करवा नै आया हो ?

खूमलो इलाज तो करणो ही पडसी।

ऊदो इलाज करता बेळा काई-काई दवा देवोला ओ तो बता दो जिको म्है ले आवू।

खूमलो म्है जिकै रो इलाज करू बी मे दवा री दरकार नी हुवै।

ऊदो जणै थे थोडा ठैरो। वा बस आवण वाळी है।

आसियो कठै गयोडी है ?

ऊदो आपरै जी सा रे सागै घमजी रे अठै।

आसियो जणै तो घणी अळगी नी गई।

ऊदो गई नै ही घणी ताळ होयगी। अबै तो आई चावै। पण हा इलाज चोखी तरिया कर्या। नी जणै इया नी हुवैकै बा तीसमारखा री जगै चाळीसमारखा बण जावै।

खूमलो लागै तनै भी बाता रो रोग लागग्यो।

- ऊदो ई रो भी कोई इलाज हुये तो बतायो नी। बाता करबा ने म्हने तबळीफ भी घणी हुये।
- आसियो ई रे बारती तो सू खूमलै वनी अेक अघूक इलाज है। कतरणी सू साम्हे बाळी री जीभ बाटी नी व रोग खलारा। अब तई पतो नी ई कितरा रो ही इलाज बर दियो। वयू आरीज बात है नी ?
- खूमलो म्नी आ बतावो थे म्भारा छोरा उतारणे में ही वयू लाग्योडा हो?
- आसियो तू तो लोगा रा मायला बपछा भी उतार लैवे तो की नी अर म्है कदैकदास बाई रा बारला छोडा उतारु तो तने खीज आवै वयू भई?
- खूमलो देखो इयाकली बाता करनी म्भने रीस मती अणावा। नी जौ-।
- आसियो नी जौ काई ? बोल-बोल।
(इणी बगत बार सू छाणा री बोरी उखण्योड़ी गोमती आ जावै)
- ऊदो अरे तू तो थारे जी सा रे सागै घमजी रे अठे गई ही नी ?
- गोमती गई ही। जीसा नै बठे ही छोड आई अर म्है आवतै ही लारे नोनें गई परी।
- ऊदो जौ ही आ छाणा री बोरी ल्याई है।
- गोमती (बोरी हेटे न्हाखर) हा जी। अे भाईसा कुण है ?
- ऊदो (अेक आख मार नै) थारो इलाज करवा नै आया है।
- गोमती (बात नै झट समझतै ही) तो करो नी। घणो ही आछो। निरा दिन होयग्या मादगी जावै ही कोनी।
- ऊदो आ तो बता आने कै काई लखावै है ?
- गोमती म्हारे हाथा में खाज ब्होत आवै। अेक-दो अलडा रे जद ताई थप्पड-मुक्का री नी देयलू तद तई म्हारे हाथा री खाज भिटे ही कोनी।
- ऊदो आ भी तो बता अब तई तै कित्ताक नै पाधरा कर काडया। वयूकै अे तने ओजू तीसमारखा ही समझ राखी ही।
- गोमती अजी तीसमारखा तो म्है जद दसवीं मे पडती ही उण टेम ही। अबे तो की चार-पाच गुणा बेसी ही हू।
- ऊदो (खूमलै सू) ल्यो सा। आ आयगी। अबे थानै जिको इलाज करणो है करो। कैवो तो माथ सू छुरी काटा ल्यार झला दू ?
- आसियो सोचै काई है खूमला ? जिके काम सू काका तने भेज्यो है बी कानी ध्यान दे।
- खूमलो थो थो थोडा । (रीस में उफणतै रा मूडै सू बोल नी निकळै)
- गोमती कठै आ तो नी हुयीकै म्हारी मादगी म्है सू निकळर आ में बडगी हुवै?
- आसियो सरिर रो काई भरोसो ? घणी दफे अेक रो ताव उतरै अर दूजै नै चड जावै।

- ऊदो जणै तो बाजी ही पळट जासी।
गोमती फेर तो आरो इलाज कठै म्है नी करणो पड जावै ?
खूमलो (रीरा में तातो यळतो) थे काई कयो म्है रसो जाणू। (गोमती सू)
लागै थारी जीभ द्योत लपर-लपर करै। (अकाअक हाथ अपडतो)
अरै बोल करू थारो इलाज?
(हाथ अपडते ही गोमती वीरै इस्यो बटको योडै के वीरै मू सू
घीख निकळ जावै ओय मरग्यो रे ओय मरग्यो रे)
- गोमती हरामजादा पैला तू वैगो सो थारो इलाज करवा। नी जणै साधै
ही मर जावैलो।
- ऊदो (आगै बधर थप्पड़ मुक्का री मार मार नै खूमले नै हेटै न्हाखतो)
फेर कदैई अठीनै आयग्यो तो कादो काढ काढूलो। तू कोई भरोसे
भूलग्यो है।
- खूमलो (दोरो दोरो उठतो सो) म्है म्है म्है थानै ।
आसियो .. फेर कदैई देख लेसू - ओहीज न । जा-जा आ गीदड
भमकी कोई और नै दिये।
- खूमलो थे..... थे.... थे भी सावचेत रैया।
आसियो तू जावै क नी ? नी जणै म्हारा हाथ चालग्या तो भूडो लुकावणा
नै जगै नी भिळैली।
- गोमती (खूमलो मन ही मन कसमसातो सो झट यारे निकळ जावै)
(ऊदै सू) थारा हाथ तो द्योत चालै। मारतै-मारतै त्यायी नै
अधमरो कर दियो। कीं तो दया राख्या करो।
- ऊदो तू भी तो आव देख्यो न ताव झट बटका चोडती ही हुई।
गोमती (कान अपडती) हा आ तो वाकई भूल हुई। बी हाथ अपड लियो
तो फेर म्है वीरै सागै ही चल्यो जावणो चइजतो।
(आ बोला रै सागै ही से जोर जोर सू हसया लागै कै मच पर
छायो उज्जस अधकार में यदळतो जावै।)

□

(दिन रो बगत। गाव रो अेक चौराहो। धूडजी हाथ में लाठी लिया अेक कानी बैठया रैय रैयर कणै डायै कानी जोवै तो कणै लारै पासी।)

धूडजी

(खुदोखुद) ओ गाव तो सगळा सू न्यारो है। अठै लुगाई जात नै तो ऊची उठयोडी कोई देखणो ही नीं चावै। फेर भणी-गुणी तो कीनै आख्या देख्या ही नीं सुवावै। म्हारी गोमती अठै री सिरैपच काई वणगी लोगा री निजरा मे सागीडी रडकण लागगी। खासकर बा लोगा नै तो जिका ठावा-ठाढा गिणीजै आछी लागै ही कोनी। किती अघमै री बात है कै लारला सिरैपच सोहनजी आपरी घरआळी नै चुनाव मे हारती देखर आपरो आपो ही न्हाख दियो। रीस मे आय'नै लोगा रै गळै पडणो सरू कर दियो। सैणसगती तो दीखै बा मे जम्मा ही कोनी।

(इणी बगत जीवणै कानी सू घमजी आ जावै)

घमजी

बधाई हो धूडजी। थारी बेटी अठै री सिरैपच चुणीजगी।

धूडजी

हा आ बधाई तो थानै है। था हीज रीं नै खडी करी ही।

घमजी

लायकी देखी जणेई तो बीरो नाव साम्हें आयो।

धूडजी

आ तो थारी अपणायत है।

घमजी

अबार अठै कींकर ?

धूडजी

वाई अर कुबरसा नै बैठयो अडीकू।

घमजी

बै फेर दिनुगै-दिनुगे अठीने कठीनै गया है ?

धूडजी

तेजाजी री तळाई कानी।

घमजी

बठै काई काम पडग्यो ?

धूडजी

काम तो कोई अचाणचकै ही आ पडयो।

घमजी

मतळय ?

धूडजी

दो गडकडा हा अेक काळो नै अेक कबरो। भोर वाळो तारो ऊग्यो ही नीं हो कै माटा घर रै बाडै आगै आय'नै जोर-जोर सू भूकण लागा कै म्हा सगळा री नींद उचटगी।

घमजी

इस्या गडकडा फेर कठै सू आ मर्या ?

धूडजी

भगवान जाणै ।

घमजी

बारै आय'नै लाठी री दी होंवती ?

- धूडजी ऊदोजी ल्यायी बारै आया तो बारै माथै अकाअक झमूटग्या । इतै में म्है भी पूगग्यो । देख्यो तो वाकई वै तो क्कोत खतरनाक हा । बैगो सो माय जाय नै लाठी लैय'नै आयो नै बारै पर दूट पडयो ।
खडखडाट सुणर गोमती भी बारै आयगी ।
- घमजी गोमती तो कीं सू डरणो सीख्यो ही कोनी ।
धूडजी पण वै गडकडा भी इस्या हाकै अकदम फीटा । ऊदोजी नै छोडर वै गोमती रै लारै लागग्या ।
- घमजी पण थे तो तीन हा ।
धूडजी जणैई तो बानै हेटै न्हाख लिया । जे थोडी सी चूक हो जावती तो वै गोमती नै नोच काढणै मे कोई कसर नीं छोडता । भायैजोग सू ऊदैजी नै अक गैती हाथ लागगी । वा ज्यू ही अक री फींच्या मे गैती मारी कैं बोकणो सरु । फेर तो अक मिनट भी नीं थम्या अर भाग छूटया ।
- घमजी मरो S S ! ! फेर कठीनै गया ?
धूडजी अठै तई तो म्है सगळा ही लारे नाठया आया । म्है थोडो थाकग्यो तो अठै बैठग्यो अर वै दोनू बानै खदेडता खदेडता ई नै ही गया है ।
- घमजी तळाई कानी ।
धूडजी हा जी ।
घमजी इस्या खूखार गडकडा पैला तो अठै कदे नीं देख्या ।
धूडजी खूखार क्यारा है जी । लाठी अक ही सातरी पड जायै तो फेर बोकता ही नीं थमै ।
- घमजी इयाकलै गडकडा नै तो गाव सू बारै काढणो पडसी । नीं जणे वै तो कींरी भी पींडी झाल सकै ।
धूडजी ओ तो था नुवा पचा ने सोचणो है ।
(अकाअक जीवणै कानी सू ही सोहनलाल मगळजी नै ठरडता सा लावै)
- घमजी आ मगळजी नै कींकर झाल राख्यो है ?
सोहनलाल अै घर रै बारणै ऊभा गोमती रो नाव ले-लेयर बडबडावै हा ।
घमजी काई बात हँ सेठा ?
मगळजी अै तो कू कू कूड बोले ।
सोहनलाल कूड म्है बोलू या थे ? म्है जद थानै कनै जायर पूछयो कैं गोमती थारो काई बिगाडयो तो थे काई उथळो दियो ? बतावो आनै ।
मगळजी म्है तो गोमती रो नाव ही लियो कोनी ।
सोहनलाल (हाथ मरोडता) फेर कूड ।
मगळजी पैला म्हारो हाथ तो छोडो ।
सोहनलाल नीं पैला आ बतावो थे कैयो काई हो ?
मगळजी कीं कैयो हुवै तो बतावू ।
सोहनलाल थे इया नीं बतावो । (कैय ने हाथ थोडो करडो मरोडै)

- मगळजी (अरडावतो) बतावू-बतावू। रात नै रमतियो बोल्यो कै म्हें गोमती नै तडकै-तडकें ही घर माय सू सूती नै उठार ले जासू परो।
- घमजी तो काई उठार लेयग्यो ?
- मगळजी ओ तो के बेरो ? म्हें तो बीनै मन ही मन कोसै हो कै जण अै आयग्या।
- घमजी अबै कठे है वो रमतियो ?
- मगळजी बो तो लागे बीं नै लेयर कठै भाजग्यो ।
- सोहनलाल अर थानै अेकलो छोडग्यो ।
- मगळजी और रोवणो ही क्यारो है ?
- घमजी तो काई थारो भी बीरै सागी ही जावण रो मतो हो ?
- मगळजी नीं जणै अठै अेकलो रैयर फेर करतो काई ?
- घमजी हुSS ।।।
- सोहनलाल ओ तो आछो हुयो कै म्हें आनै अपड ल्यायो। नीं जणे थे सगळ् आहीज कँवता कै खूमलो हीज ओ नीच काम करयो है। अर बीरै लारै रगडीजतो म्हें।
- घमजी खूमलो तो इण टैम आपरी ठौड ही हुवैलो।
- सोहनलाल दूजी ठौड बो बेमतळब कठै जावै भी कोनी। बीनै तो कोरो वदनाम कर राख्यो है। चैरै सू भला ही बो भूडो लागो मन रो काळो कोनी।
- घमजी (धूडजी कानी हाथ कर नै) आनै तो थे जाणो हीज हो ?
- सोहनलाल क्यू नी ? अयार चुनावा री बगत कई दफै मिळबा रो मौको मिळयो। ऊदे रा सुसरोजी ही है नीं ?
- घमजी हा।
- सोहनलाल बेटी रे सिरैपच होवण री बधाई है।
- घूडजी बधाई क्यारी है सा ? बेमतळब अेक आफत माल ले लीन्हीं।
- सोहनलाल अजी ओ धन्धो तो इरयो हीज है। ठौड-ठौड लोगा री नीं सुणणजोग बाता भी सुणणी पडै।
- घमजी वै तो सुणै जिकी सुणै ही दूजा फजीता भी घणा। सुगाई री जात ठैरी। कुण-कुण सू माथो लगावै ?
- घूडजी स्रै सू मोटी यात तो आ वँ उण भेडिया सू कोई कींकर निपटै जिका रो काम ही चाई-बेटया री इज्जत लूटबा रो है ? इण रै वारतै या नै कठैई भेज दो वै त्यार है।
- घमजी जिया आरे भाणजै रमतियै नै री लेल्यो। बीं जिरया काळै मू रा लगूर तो किणी टैम चाई भी वर सकै।
- घूडजी कोई सावघेती वरतै भी तो वठै तई वरतै। इयावले लोगा रो कोई भरसो कोनी। जणे भी योई घात कर सयें।
- आसियो (आवतो आवतो) इया घात कर बैठे यऊ अठै रोई मिनरा को वरै नीं चाई ?
- घमजी घात उरगिया भी तो मिया री है।

आसियो कूडी बात। घात करणिया कदै मिनख हो ही नी सकै। ओ काम भेडिया रो है अर बाने सबक सिखावणो कोई घणो अबखो काम कोनी।

घमजी तू कैवै जिको म्हें समझू हू। अकर तू ओ पतो लगार आ कै आ मगळजी रै रमतियै इण बगत कठै काई रम्मत घात राखी है ?

आसियो कठैई चवडै नै कठै ओलैछानै रम्मत घालणे रै सिवाय बीरै कनै और काम ही काई है ? थे कैवो तो अवार ठाह कर आवू ?

धूडजी अकर ठैरो। गोमती अर ऊदोजी आ जावै तो पछै ठाह कर्या।

घमजी (अकाअक लारे देख नै) ल्यो नाव लियो अर वै आयग्या।
(सगळा जणा लारै कानी देखबा लाग जावै)

आसियो (गोर सू देखतो) काई बात है ? ऊदो काधे पर लादया कीने लावै है ?

घमजी वै गडकडा हुवैला ?

सोहनलाल म्हनै तो ओजू सावळ दीखै ही कोनी।

धूडजी नी दीखै जितै ही ठीक है।

मगळजी बी गोमती भी तो कीरो झोटो झाल राख्यो है।

धूडजी थोडो तीखी निजरा सू देखा।

आसियो अजी ऊदै रै काधे पर जिके राफा टैर राखी है बीनै तो अब ओळख लियो।

सोहनलाल अे घमजी कैवै है नी के कोई गडकडो है।

आसियो गडकडो क्यू है ?

सोहनलाल तो फेर मर्यो बो कुण है ?

आसियो थारै खूमलै रै सिवाय दूजो और कुण हो सकै ?

सोहनलाल बोलो रैय। अेडै मौके भी तनै मसखरी सूझै ?

आसियो तो वा। अठै आवै जद देख लिया।

घमजी गोमती जिकै नै ठरडती ला रैयी है बो गडक तो कोनी। जरूर कोई मिनख ही है।

मगळजी हाSS ! ! वो तो साची कोई मिनख ही दीखै।

आसियो (राजी होंवतो) ल्यो म्हें तो दोना नै पेचाणग्यो।

घमजी काई पेचाण्यो ? कुण है ?

आसियो गोमती वाई जिकै रो झोटो झाल राख्यो है वो तो है मगळजी रो रमतियो अर ऊदे रै काधे पर लादीज्योडो आवै है खूमलो।

मगळजी (दोनु अेकै सागै) ना—ना आ नी हो सके।

सोहनलाल रमतियो तो अेकलो हीज गयो हो बी रै सामे बो खूमलो कठे सू आयग्यो ?

धूडजी खूमलो अताळ ही म्हारै अठे दूधरी बरणी राखर गयो हो।

नार्ड—नार्ड केस किता ल्यो अे साम्हे आयग्या।

- (इणी यगत काध पर खूमलै नै लादया ऊदो अर रमतिये रो झोटो झाल्या गोमती आ जावै)
- आसियो ल्यो फूड-साच आपई अपडीजगी।
घमजी तो जणै अहीज गाव रा गडफडा है ?
धूडजी आप-आपरै 'ी चोट्टी तरिया पैचाण ल्यो। अहीज दोनू भोर मे आय 'ी ऊदै जी रे अठै इरयो अणृतो घमासाण मघायो कै कैरा में नी आवै।
- ऊदो बाबोसा थे थारे ई खूमलै 'ी सभाळो अर सदजी थे थारे रमतिये नै।
- गोमती ना-ना ओ रमतियो तो पुलिस थाणै रो पावणो है। ई रे वारतै अपा की नी कर सका।
- घमजी इये फेर इस्यो काई कर दियो ?
गोमती ओ तो ई नै ही पूछो। दो बरस पैला सैर सू भाजर अठै क्यू आयो?
घमजी क्यू आयो ?
गोमती लुकया नै।
घमजी (रमतिये सू) काई यात है रे ?
मगळजी (बीघ में ही) ई नै काई पूछो ? म्हनै पूछो नी। ओ कोई भाजर अठै नी आयो। म्है बुलाया हो ई नै।
- गोमती भायलै रे भाणजै नै झूठमूठ बचाणै री घेस्टा मन करो ? ई नै खुन नै ही पूछो कै करतूरया गाधी कन्या आसरम री अेक बहण साणै ई काळो मूडो करयो क नी ?
- रमतियो । (कोई उथळो नी देयर माथो नीचे कर लेये)
ऊदो अबै बोलै क्यू नी ?
रमतियो । (फेर भी बोलो रैवै)
गोमती ओ तो थाणै जाया ही सारी बाता उगळरती।
मगळजी थारा जद इस्या कौतक करयोडा हा तो बाळणजोगा म्हनै बतायो तो हुवतो?
- घमजी ई नै हेटे तो बिठावो।
(गोमती झोटो झाल्या ही रमतिये नै हट बिठावै)
- घमजी सोहनलालजी अबै तो थे भी खूमलै नै पैचाण लियो ? ओहीज दिनुग दूध पूगार गयो हा क कोई दूजा ?
- सोहनलाल म्है ता उण टैम सांच्यो ओहीज हुवैला। दिनुगे-दिनुगे ओहीज दूध देयर जाया कर। पण ई रे हाथा म जद आ काळै करतूता री स्याही लाग्योडी हे जणे फर बा कोई दूजो ही हो।
- धूडजी जोगमाया री किरपा सू आज गाव मे कोई अणहोणी होंवती टळगी।
आसियो इया कैवो'के ऊदे अर गोमती रे कारणे गाव री आज इज्जत रैयगी।
- घमजी सोहनलालजी कोई जे दो कडवी बात कैवे इण सू पेला आप ई खूमलै नै पचायतघर मे पुगवा दो तो घणो आछो।

ऊदो अर म्हे ई रमतिये नै ई री असली ठौड पुगा देवा । वयू सेठा ?
मगळजी म्हारै आगै तो ई हरामजादै रो नाव ही मत लेवो ।
घमजी वा याई गोमती तै तो आज गाव रो नाक ऊँघो कर दियो ।
गोमती ओ जस तो आनै (ऊदै नै) दो जिका हिम्मत राख नै आ कुमाणसा
नै कावू करया पछै ही सास लियो ।
ऊदो तू सागै नीं होंवती तो म्हँ अकलो काई करतो ?
घमजी हाथ तो दोनू मिळाया ही धुपै ।
गोमती आ बात सगळा जाण जावै जद नीं ।
घमजी चिन्ता ना कर । वगत आया स्सै जाण जासी ।
आसियो तू तो दिवै री वा जोत है जिकै रे होवता अघारो आपैई आख्या सू
ओझळ हो जावै ।
घमजी दुनिया नै अवै ही तो ठाह पडरी कँ ई गाव री गोमती कुण है ?
घूडजी अजी आ अेक इयै गाव री ही गोमती नीं है गाव-गाव री गोमती
है ।
आसियो ई नै देखर ही तो जोत सू जोत जळैली ।
(ई रे सागै ही स्सी भेळा होय र अेकैसागै मगळगीत गावै कँ
पडदो हेटे गिरणै लागै)



जबरी करी जायोइ

जबरी करी जायोडै

पात्र

- १ भीमजी कोढ रा मरीज बूढा डैण।
- २ गीता भीमजी री घरवाळी।
- ३ भवरो भीमजी रो बडो बेटो।
- ४ फूसाराम भीमजी रो सेवक।
- ५ ममता भीमजी री दोहिती।
- ६ गोदूजी भीमजी रो पाडोसी।

(दिनुगै री बेळा। तखत पर भीमजी बैठ्या आपरै पगा रै घाघा पर फूसाराम सू मल्लमपट्टी लगवावै। कनै कुरसी भावै बैठी गीता पखी हिलाती हवा करै। कनै कुरसी भावै बैठी (भीमजी रै घाघा कागी देख'र) अजी अवे तो पग म्हनै की

गीता

सायळ होंवता दीटै।
ओ तो फूसाराम री सेवा रो पळ है।

भीमजी

साची ई री सेवा नै तो कोई पार ही नी पा सकै।

गीता

सेवा तो बाहीज जिकी साचै दिल सू करी जावै।
भाईसा आपरी सेवा तो म्हारो धरम है।

भीमजी

अर ओ धरम तू लारलै तीरा वरसा सू बरोबर निभा रैयो है।
भाभीसा ई मे कोइ किरयावर कोनी। भाईसा म्हारै सू निरा बडा भी

फूसाराम

तो है। फेर मा म्हारी म्हनै जळमतै ही मरगी अर जद दस बरस

गीता

रो हुयो तो बापूजी धालता रैया। उण वगत भाईसा जे म्हारो हाथ नी झालता तो आज पतो नी म्हँ कठै हुवतो।
ओ ता म्हनै स्सै वेरो है।

फूसाराम

(पग भेळा करता) अवे वा। तू हाथ धोय लै अर खूमलै रै अठै सू वैगो सो दूध ले आ।
अबार ल्याऊ। (कैय नै हाथ धोवै अर वरणी लेंय र बारै निकळ जावै)

गीता

ई री बरोबरी तो कोई कर ही नी सकै।

भीमजी

पन्दै बरस होयग्या म्हानै ओ रोग लाग्या। छूत रै डर सू जायोडै

फूसाराम

भी पीठ फेर ली। पण ई बन्दै कदै रिसकारो भी नी न्हाख्यो।

गीता

जायोडै मे अकल अर अपणायत होवती तो आज घाटो ही क्यारो

भीमजी

हो। लुगाई नै लेय र इस्यो अळगो हुयो कै मिळणै रा ही सासा

गीता

पडग्या।
जद खुद रो सिक्को खोटो हुवै तो दूजै नै तो कैय ही नी सका।

भीमजी

जिको खुद जाणवूझ र आपरो तबादलो जैपर करा लेवै बी सू फेर

गीता

आगै री उम्मीद हीं काई राखणी ?

भीमजी

जदके भवरै नै पतो हो के थारी हालत ठीक कोनी।
खैर जोग-सस्कार री बात। पण आ कदै नी सोची कै अेक दिन

खुद रो खून ही बदळ जारी।

अेक गाव री गामती/66

- गीता घणो अणेरसो ना करो । काळजो तो म्हारो भी ब्होत कळपै जद बीरी
अणूती हरकता देखू ।
- भीमजी अेक ही बेटो अर वो भी मा-बाप नै भूल जावै इण सू बत्तो दुरभाग
आर काई होसी ?
- गीता करयो काई जावै ? बीं सू इत्तो भी नीं हुवै कै कदै टाबरा नै मिळणै
री मिस ही अठै ले आवै ।
- भीमजी कींकर लावै ? बीं नै ओ पतो है कै म्हाने छूत रो रोग लाग्योडो
है ।
- गीता कोठ कोई छूत रो रोग कोनी हुवै । म्हनै अर फूसाराम नै तो नीं
लाग्यो इत्ता परस । बींनै तो कोरो वैम खावै कै थारी आ बीमारी
कठै बींरै टाबरा नै धेरै मे नीं ले लेवै ।
- भीमजी जणैई तो वो बानै म्हा सू अळगो राखणो चावै ।
- गीता टाबरा री बात कोनी । वो लुगाई नै भी तो नीं लावै । ना लावो बीं
रै विना म्हारो कोई काम अणसरयो नीं रैवै । आ तो बात री बात
है ।
- (इणी बगत गोदूजी आ जावै वारै सू)
- गोदूजी राम-राम मास्टरजी ।
- भीमजी राम-राम गोदूजी । आवो बिराजो ।
- गोदूजी (तखत पर ही भीमजी रै पगा कानी बैठता)
मास्टरजी पगडै तो रस्ते मे चिमनलालजी मिळग्या हा ।
- भीमजी सेठ चिमनलालजी ?
- गोदूजी हा जी । बोल्या - आपरै माय आठ हजार री कलम बाकी है । दो
बरसा सू ब्याज माथै ब्याज चढतो जा रयो है ।
- भीमजी हा म्हानै बेरो है । बारो तगादो सही है । पण काई करा गोदूजी
पेसन रा इण्या-गिण्या रिपिया मिळै ।
- गीता - - अर बा सू घर रो खरचो भी नीठ चालै । ऊपर सू आरी आ
बीमारी ।
- गोदूजी बहनजी साची कैवो । मॅगाई भी तो बेजा ही बघती जा रैयी है ।
करणे बाळो कोई करै तो काई ?
- भीमजी छोरै कानी सू तो थे जाणो ही हो बारह बज्योडी है । अेक पइस
री मदद भी किस्वी क ।
- गोदूजी जदकै वो तो बैंक मे लाग्योडो है ।
- गीता फेर बींरी बऊ भी तो कमावै है ।
- भीमजी बींरै कनै कोई कमी कोनी ।
- गोदूजी सुण्यो है जैपर मे बी लारलै दिना कोई बगला भी बणायो है ?

गीता

बणावै क्यू नी ? खुद रै वास्ते तो बो जितो भी खरब करै कम है।

गोदूजी
गीता
भीमजी

पण अठै नी भेजै।
मत भेजो। बी रै कारणे कोई भूखा नी मरा।
भूख मरणै री यात कोनी। की भेजतो तो माथे पर आ उधार नी रैवती।

गीता

उधार भी बा जिकी सुरसती री बेटी ममता रै ब्याव माथे लीन्हीं।

भीमजी

मायरो कोई हजार बारह सौ मे नी भरीजै।
बी तो इत्तो भी नी सोच्यो कौ म्हारी बहन नी है तो बीरी बेटी रै ब्याव मे तो की थोडी-घणी मदद करु जिण सू बी री आत्मा नै सायती मिळै।

गीता

अक ही बहन ही अर आ अक ही भाणजी - ।

भीमजी

पण हियो हुवै जद नी। बीरै वास्ते बहन मरगी तो की नी अर भाणजी परणीजगी तो की नी।
बो तो अकदम मो बायरो हुयग्यो।

गीता

जणै हीज तो बी नै अठै कानी सू कोई लगाव कोनी।
बी नै जे लगाव होवतो तो आज ई टापरै री आ हालत नी होवती।

गोदूजी

च्यारु कानी सू पडू-पडू हो रैयो हे।
म्हारी इत्ती पोसायत कोनी कौ कोई कारीकुपरी करा सका।

भीमजी

माथे रा लैणिया-दैणिया ही को मिटै नी तो कारीकुपरी काई माथे री करावा?

गीता

(इणी बगत वारै सू दूध लेय नै फूसाराम आ जावै)
बघाई हो भाभीसा भवरो आयो है।

भीमजी

जणै तो बडा भाग। अताळ बी नै याद ही करै हा।
कठै है ?

गीता

वारै खीवजी खाती रै बैटै खूमलै सू वाता करवा नै ऊभग्यो।
करमहीण नै सदा अकलहीण ही मिळया करै।

फूसाराम

दोनू बाळगोटिया भी तो है।
क्यारा बाळगोटिया है ? वो खूमलो तो नागा रो नागो है।

गोदूजी

किया ?

भीमजी

किया काई ? बी तो आपरी मा नै भी नी बगरयो। मा रै कनै अक चादी री रमझोल ही खूमलै बा भी नी टिकण दी।
काई कर्यो ?

गोदूजी

ओळै छानै ले जाय नै की नै वेच काटी। बा लायण रोवती ही रैयगी।

गीता

गोदूजी

गीता

गोदूजी

गीता

भीमजी
गोदूजी
भीमजी
गोदूजी

जणै इस्या रा भायला तो इस्या ही होसी ।
पण जाणा भवरो चूमलै दई कोनी ।
स्सै अेक ही थैली रा चष्टा-बष्टा है ।
खैर भवरो आवै तो म्नी मिळबा दो । वीं नै कँवू तो सरीकें भाया
थोडो घ्यान अठीनै कानी भी दै । और कीं नीं तो वारली तिबारी री
तां मरम्मत करा जा । अेकदम पडणै ज्यू हो रैयी है ।

भीमजी
गोदूजी
भीमजी
गोदूजी
गीता
भीमजी

वीं नै कँयर वयू दोरा हुवो ? वो आयो है तो जरूर आपरै कोई
मतळव सू आयो है । ई काम वास्ते वीं रै कनै टैम ही नीं होसी ।
जणै या । बेमतळव माजणो गवावण में फेर काई सार है ?
कोई सार कोनी ।
तो फेर म्हें चालू । (कँय नै वारै निकळ जावै)
अे तो सोचै भलै री अर वो उळटो .. ।
... जिकै रो सोच ही उळटो है वीं नै हर बात उळटी सूझै ।
खरी बात भी कूडी लागै ।

फूसाराम

(वारै सू कोई रै आवण रो खडको सुण र) भवरो आयग्यो
दीखै ।
(भवरो माय आवै)
(भीमजी अर गीता रा पग छूवतो) पगे लागू ।
जीवतो रैय । मोकळो कमावै नै सुखी रैवै ।
अेकलो ही आयो है या सागै भी कोई है ?
नीं अेकलो ही हू ।
इया अचाणवकै कीकर ?
कोई जरूर काम सू आवणो पडग्यो ।
वाकी टायर-टीकर तो राजी है ?
हा मोटू नै विचाळैसी क थोडो जुकाम होग्यो हो अबै ठीक है ।
अजकाळै हारी-बीमारी कीं ज्यादा ही हे ।
वीनणी रा काई हाल है ?
आछा है ।
भवरा अबकै तो तू थकग्यो लाडी ।
काका सैरा री कोई जिन्दगी थोडे ही है । माडाणै रैवणो है ।
बतावै बटै मिनखा रो तो कोई छेडो ही कोनी ।
और नीं तो । जठै देखे बटै ही मार-भचाभच ।
इती भीड ।
भीड तो कीं नीं मोटरा रो धुओ देखो । सास ही नीं लेइजै । माथै
में इस्यो चटै कै जीणो हराम कर देवै ।

गीता
भवरो
भीमजी
भवरो

फेर तो बटै रैवणो रो धरम ही कोनी ।
मा म्हारी जठै नौकरी करणी है बटै रैवणो तो पडै ही ।
अर रैवे जिकै नै टग रा मकान नी मिळै ।
इयै खातर ही अबकळै म्हनै सैर सू अळगो रैवण री जुगाड
विठाणी पडी ।

फूसाराम
भवरो

काई जुगाड करी ?
जैपर सू खासी दूर अक नुवी बस्ती म छोटो सो घरियो बणावणो
पड़ियो ।
घरियो ।

भीमजी
भवरो

हा । बटै अक भलो आदमी आपरै रैवण सारु कोई घरियो खडो कर
लेवै बोहीज ब्होत है ।

गीता
भवरो

अताळ गोदूजी तो बतायग्या कै तैं बटै कोई बगलो बणायो है ।
बगलो काई गढ बणायो है । तू भी मा लोगा रै कैयै मे झट आ
जावै । बटै अक—दो कमरा बेसी बणाया नी क अठै रा लोग बीनै
बगलो ही समझण लाग जावै ।

गीता
भवरो

कमरा बेसी बणाया है तो रिपिया भी निरा लाग्या होसी ?
लागणा हा जित्ता तो लाग्या ही । अकर तो बैक सू लोन मिळग्यो
पण बी री किस्ता तो चुकावणी पडसी । कोई सू मदद री उम्मीद
तो करणै सू रैया ।

भीमजी
भवरो

मदद तो अबै कुण करै ? म्है तो म्हारै ही करज में डूब्योडा हा ।
थारो ता हमेसा इया ही रोवणो रैयो । ई टापरै नै बेचण री कैवा
तो थे सीधा गळै ही पडता हुवो । कोई नै बेच—बेचार निक्की करता
तो आज म्हने भी की साधरो लागतो ।

गीता
भवरो
भीमजी

चोखो जण्यो रै म्हैं तने । अरे बावळा ओ टापरो बेच देवा तो म्है
जासा कठै ? कोई दरडै मे ? म्हानै काई रैवण री ठौड नी चइजै ?
आ मत कैय मा । असल म था लोगा सू ई टापरै रो मोह नी छटै ।
भवरो ठीक कैवै । आपा नै अब कित्ता क दिन जीणो है ? आज
मर्या कालै दूजो दिन ।

भवरो

अे तीखा तीर मत छोडा जी सा । म्हारी बात नै समझो । मा तो म्हारै
सागै अवार जैपर घालसी परी म्हैं ई नै लेबा नै ही आयो हू । अद्वै
लारै रैया थे । फूसै काकै रै नोहरै मे अक ओरडी है ।
बा तो है । थोडो घणा घासफूस भलै ही मेल राख्यो हुवै
बाकी खाली पडी है ।

फूसाराम
भवरो
फूसाराम

बटै जी सा री खाट तो आछी तरिया बिछ जासी ।
व्यू नी ?

- भवरो रैयी बात उठवा-बैठबा री। तो भायला थारा घणा ही है हथाई करणै वाळा। अकलो थानै कोई नीं छोडै।
- फूसाराम बठै कीं बात री कोई तकळीफ भी कोनी। पाणी री अक मटकी मेल देसू। टैमसर जीम्या पछै सारे दिन खूटी ताणर सोया।
- भवरो सेवा मे इया भी था कदैई कोई कमी नीं राखी।
- गीता तैं थारै मन री कैय दी। अबै म्हनै आ बता ते आ कींकर सोचली कैं म्हैं थारै सागै अकली जैपर चालसू परी ?
- भवरो तो काई आनै सागै ले चालू ? इत्ती दूर आ री चालण री सरधा है ? मादा नीं होवता तो काई म्हैं आ नै अठै छोडतो ? तू भी मा कणै-कणैई इस्वी बाता करबा लाग जावै कैं सुणता ही जी खाटो हुवै।
- गीता मादी म्हैं किरयी कोनी। हरदम तो आख्या अगाडी अधारी आवती रैवै। दो पावडा चालू तो सास फूलै।
- फूसाराम जणै लाडी आ नै ले जाणो भी बेकार है।
- भवरो मा री बात और है काका। बी पी है। जातै ही चैकअप करा देसू। पण जी सा री मादगी तो बिलकुल न्यारी हे। आरै घावो नै तो देखता ही मिचळकी आवै। भलो-चगो भी जे आरै कनै उठे-बैठे तो बो भी आरी बीमारी री चपेट मे आया बिना नीं रैवै।
- फूसाराम साची कैवै तू। भाईसा रो ओ रोग ही इस्यो है। कैं आरै कनै बैठबा नै भी कोई त्यार नीं हुवै।
- भवरा जणै हीज तो।
- भीमजी (बात नै फोरता) सुरसती री मा बेटो लेवण नै आयो है तो जावण में काई आट है ?
- भवरो जठै नूवो दूडो बणायो बठै अवार आखती-पाखती में कोई नीं रैवै। दिन में म्हैं बैक चलयो जाऊ अर बा थारी बऊ इसकूल जावै परी। लारै टाबरा नै कुण सभाळै ? नोकराणी कोई भरोसे री मिळै कोनी कैं जिकै रे ताण वाने छोड जाया।
- भीमजी भवरो ठीक कैवै। तैं सू बत्ती भरोसे री और कुण हो सकै ? म्हारी समझ मे तो अेडै आडै बगत तनै बठै जरूर जावणो चइजै।
- गीता तो काई म्हैं थानै छोड'र चली जाऊ ? अर बा भी ई हालत मे ?
- भीमजी काई हरज है ? म्हारी चिन्ता ना कर। जठे फूसाराम है बठै म्हानै कोई तकळीफ कोनी।
- गीता ना-ना म्हैं नीं जाऊ। म्हारो मन नीं मानै।
- फूसाराम (कैवती कैयती गळगळी हो जावै)
- भाभीसा इया जी छोटो ना करो। (भीमजी कानी देख र) अर

भाईसा आनै जे जैपर भेजणो है तो थागै भी काळजो मोटो राखणो चइजै।

- भीमजी । (कोई उथळो नी देय र आख्या र आडै हाथ दे तैवै)
भवरो जीसा में आहीज तो मोटी कमी हैकै छोटी-छोटी सी बात पर अ
आपरी कमजोरी दिखा देवै।
- फूसाराम (बात नै दूजी कानी मोड़तो) काई आज ही पूठो जावणो है ?
भवरो देखो ! आयो तो बस मा नै लेवण खातर ही हू।
फूसाराम बठै जे आरो मन नी लाग्यो तो ?
भवरो तो पूठो पूगा देसू।
फूसाराम देख लाडी घणा दिन तो बठै आनै क्यू राखै ? क्यूकै तू जाणै है
भाईसा नै आरै बिना घड़ी क ही नी आवडै।
- भवरो काका ओ त्तो म्है भी जाणू। पण जठै तई कोई भरोसैमद नोकराणी
नी मिळै बठै तई तो मा नै दोरो-सोरो रैवणो ही है। आगै री फेर
आगै सोचसा (कैय नै निपटण सारु माय कानी चत्यो जावै)
गीता की भी कैवो म्हारो मन जावण रो नी करै।
भीमजी (जी करखो कर नै) अकर हो आ। देख तो आ बगलो कित्यो क
वण्यो है। ई बहानै टाबरा सू भी मिळणो हो जासी।
- गीता थे कैयो भला ही थानै छोडर जावण रो जी करै ही कोनी।
भीमजी अरी म्हे किरया कठैई भाजर जावा हा ? तू आसी जितै अठै ही
थारी बाट जोवता मिळसा। तू अकर बठै जा तो सरी।
- गीता तो काई थे म्हनै अठै सू काढणी चावा ?
भीमजी गैली आ भी भला कोई बात हुई ? कुण सी तू म्हानै खारी लागै
जिको म्हे तनै काढणै री सोचा। अर फेर ई ऊमर मे ? जठै थारै
बिना म्हारी गाडी अक इच भी आगै नी खिसकै। ना-नाSS।
गीता इण रो मतळब है थे म्हनै ऊपरलै मा सू भेजणो चावो।
भीमजी बस आहीज समझ लै।
- फूसाराम भाभीसा थे तो इया करया मईनो-बीस दिन रैयनै पूठा आ जाया।
गीता पूठो तो फेर ओ नडासी जद ही आईजसी।
फूसाराम थ जोर देयनै कैसा ता ई नै नडाणो ही पडसी। नडासी क्यू नी ?
भीमजी आ तो बेमतळब री चिन्ता करै। खैर तू फूसाराम नळ सू दो अक
घडा भरल्या। कूडी मे पाणी बिलकुल ही कानी।
- फूसाराम अरे हा बाता-बाता मे पाणी ल्याणो तो जाबक ही मूलग्यो।
(घडो उटा र झट वारै निकळ जावै)
भीमजी तो जणै जावण रो मत्तो कर लियो ?
गीता मत्तो तो थे धिगाणै करा रैया हो। म्हारी तो जावण री जचै ही

भीमजी

कोनी। फेर म्हारो डील भी सावळ नी रैवै।

आ तो म्हे भी जाणा हा। अवै जद छारो लेवण नै ही आयग्यो तो मना करणो भी चोट्यो कोनी। ओ पतो है कौ की नै ही न्याल को करैनी ओ किता बरसा बाद तो आयो है अर वो भी आपरी गरज सू।

गीता

ममता रै ब्याव सू पैला म्है किती मादी पडी ही। छ मईना माचै सू हेटै नी उतर सकी। पण ओ कदै पूछण नै भी नी आयो। जदकै उण टैम म्हे ई नै कई कागद न्हाख्या। ई कदै उथळो ही नी दियो।

भीमजी

गीता

भीमजी

गीता

भीमजी

गीता

भीमजी

गीता

भवरो

गीता

भीमजी

भवरो

भीमजी

गीता

भवरो

भीमजी

गीता

भीमजी

गीता

भीमजी

पतो नी लुगाई ई रै माथे काई टूणो कर्यो है कौ आपा रै वास्तै ओ अकदम परायो सो बणग्यो।

फेर भी सोचा बेटो तो है। परायो खून तो कोनी। ओ आपरो फरज नी निभावै तो ई री मरजी। आपा ई रै बरोबर क्यू होवा ? साची कैवो। अवै जिकी बात गळै मडगी बी नै अकर जैपर जाय नै उतारणी ही है।

बस बटै घणा दिन मत लगाये।

जाणा तो हा बैगी ही कोई ? कोई नोकराणी मिळ जासी।

नी मिळै तो भी तू तो पूठी आ जाये।

देखो सा। जाया टाह पडसी।

(माय सू आवतो) जीसा रामनारायणजी रो बेटो सोमनारायण अजकाळै अठै ही है या कळकत्तै गयो परो ?

क्यू ? वो अठै ही है। कालै ही देख्यो हो।

बी सू फेर काई काम है ?

म्है जठै छत न्हाखी है उण रै पाखती ही सोमनारायण रो अक प्लोट है। अरसै सू खाली पडयो है। सोचू कोई सोदौ पट जावै तो आगै टाबरा रै काम आसी।

चोखोक। जणै मिळ आ। अताळ घरै ही होसी।

पण पैला चाय-बिजी तो पी जा।

अै काम तो फेरू ही हो जासी। पैला बो मिळ जावै तो कोई बात तो टोरा। (कैय नै बारै कानी चलयो जावै)

तू अवै जावण री त्यारी कर लै।

इती खतावळ क्यारी हें ? अबार तो आयो ही है ।

अर सिड्या तई ओ पाछो गाडी अपडणै री सोचसी।

नी ओऽऽ । ।

रग-ढग तो म्हाऩै ई रा इत्या ही दीखै। ओ घणो अठै ०

कोनी।
गीता पाछो आवण तो दो। म्हें जितै चूलो तो सुळगाऊ। (उठ'र माय घली जावै)
(इणी रै सागै मघ माथे अधारो घिरणो सरु हो जावै। थोडे अतराळ रै बाद घानणो दुवारै होयण लागै)

भीमजी (कुरसी पर बैठया कागद हाथ में लिया खुदोखुद) बीस-पच्चीस दिना बाद कोई कागद आयो तो सही। ओ भी सुरसती री मा भेज्याडो है। वाचा देखाण।
(कैय नै लिफाफे सू कागद निकाल'र बावै)
सुरसती रा जी सा ओ कागज लिख्या म्हनै पाच दिन होयग्या। भवरै नै डाक मे नाखण वास्तै दियो हो। आज अघाणक निजर पडी तो ओ वी री मेज पर ही पडयो हो। काई करु ? पाछो उठा ल्यायी अर अबै नुवै सिरै सू दुवारै लिख रैयी हू। कालै दिनुगै टाबरा नै बस तई छोडवा नै जासू, उण बगत डाक रै बवै म न्हाख देसू। ओ पतो नीं थानै ओ कद मिळसी।
म्हें तो अठें सू अेकदम नाकोनाक आयगी। आरै-पासै कोई बोल-बतळावण वाळो कोनी। बस्ती रै नाव पर अठै तीन-घ्यार मकाना रै सिवाय और की नीं है। आ समझलो'कै कोरी खौड है। सूनवाड ही सूनवाड। दिन मे काक उडै अर रात मे उल्लू बोलै।
दिनुगै सात बज्या आ टाबरा नै छोडण खातर पूण कोस तई उपाळी जाऊ जणै जाय नै सडक मिळै। टाबरा री बस बठै तई ही आवै। जावतै बगत टाबरा तो सागै हुवै। आयती बेळा तो अकली हीज आऊ। रस्तै मे कोई घिडी रो जायो ही नीं मिळै।
साची भवरै नै अेक नोकराणी री दरकार ही अर वा म्हें मिळगी। इया अठै कोई भी नोकराणी इत्ती दूर नीं आवै। जद सू म्हें आयी हू। आ नेचींतो है।
कालै म्हें ई नै कैयो भी'कै अठै आया नै आज म्हनै बीस रोज होयग्या अबै तू म्हनै पूठी पूगा दै। पण ई तो अेक कान सू सुण्यो अर दूजै सू निकाळ दियो। काई जबाब ही नीं दियो। इण सू ओ लागै कै अबै म्हनै ओ बैगी सी पूठी भेजणी नीं चावै। अबै थे ही ई नै कीं जोर देयर लिखदो तो भला ही नीं जणै ई रै माथे तो चोपडै घडै छोट नीं है।
म्हें तो अठै कोजी पजगी। म्हारो ओ कागज मिळता ही थे ई नै अेक करडो कागज लिख्या। ई में डील मती कर्या। ई तो जाबक ही डिठाई धार राखी है अर म्हनै अबै अठै अक दिन भी नीं रैवणो।

ई री सारी बाता कडी है। अठै म्है ई री मा कोनी बस अेक आया हू टाबरा नै सभाळण वाळी। ई सू बत्ती अै म्हनै की मानै ही कोनी। ना म्हारै कनै उठै-बैठै। इयै रै ही माजणै री है ई री बऊ। बल्कै बा च्यार चडा बेसी। सारी लाज-सरम ही माथै सू न्हाख राखी है। इस्पी-इस्पी बाता है कै म्है थानै काई बताऊ ?

अबै तो म्है थारै कागद रै भरोसी ही वैठी हू। बैगै सू बैगो ई नै कागद लिखो अर म्हनै ई नरक सू निकालो।

आपरै ही चरणा री दासी-गीता।

(कागद बाचर खुदोखुद) तू चिन्ता ना कर सुरसती री मा। म्हे अबार बी नालायक नै कागद लिखा। बी कोई मजाक समझ राखी है कै मा री बात भी नी सुणै। थारै पूगण रो जद कागज नी आयो जणै ही म्हे समझग्या कै बी धोखो करयो है। खैर अबै बी नै की सागीडी सुनावणी पडसी। बो म्हारो कागद बाचता ही तनै अठै नी पूगावै तो म्हानै कैये। नी जणै म्हे फूसाराम नै सागै लेयर बठै आया रैसा। वा रे कुळखणा छेकड तै थारी मा नै रोवार छोडी। हरामजादा म्हे तनै कदै माफ नी करा।

(इणी रै सागै मद्य फेरु अधारै में घिर जावै। जरा सो अतराळ पड़ै कै भीमजी लाठी रै सायरै वारै सू आवता दीखै नै उजाळो फैलतो जावै।)

फूसाराम।

(माय कानी सू) आयो भाईसा।

जैपर सू आज भी कोई कागद नी आयो।

डाकखानै जाई आया काई ?

हा। अबार बठै सू ही आ रैया हा।

आ तो बेजा बात है। भवरै नै कम सू कम कागद तो न्हाखणो घड़जै।

(तखत पर बैठता) बो तो काई कागद न्हाखसी। अडीक तो बी री मा री चिड्डी री है। बी री तरफ सू इत्ती ढील तो नी होणी घड़जै फेर पतो नी।

आ तो चिन्ता री बात है।

दो दिना सू बळी आ डावी आख न्यारी फुरक रैयी है।

दो-च्यार रोज और बाट देख लेवा नी जणै दोनू जैपर चालसा परा।

फेर तो ओहीज करणो पडसी। जित्तै तू गुसाईसर हो आ।

बठै मन तो जावण रो नी है। पण बैन्दोईजी कैवैला कै भाणजी री

- सगाई माथे ही नीं आयो ।
- भीमजी वै तो कैसी अर वारो कैवणो कूड भी कोनी । भाणजी री सगाई अर मामो नीं जावै इण सू बेसी माडी वात और काई होसी ?
- फूसाराम जणै ही सोछू हो आऊ । अवार घडी अेक नै निकळ जाऊ ता दिन ढळणै सू पैला-पैला पूग जासू ।
- भीमजी भजै सू पूग जासी । ओ रैयो तीन फोस माथे गुसाईसर ।
- फूसाराम कालै सगाई रो दस्तूर है । जाणा दुपारै तई सळट जासा ।
- भीमजी जणै कालै सिझ्या तई तो पाछो आ जासी ।
- फूसाराम और नीं तो ।
- भीमजी बठै तई दूधोजी म्हारै कनै रैय लेसी ।
- फूसाराम इण वास्तै बानै अगूच ही कैवा दियो ।
- भीमजी चारखा क । कैवा दियो जणै बै आया रैसी ।
- फूसाराम परसै री बऊ नै केयोडो है थाळी वा थानै अठै पूगा जासी ।
- भीमजी क्यू ? नीं कैवतो तो वा पूगावती कोनी ?
- फूसाराम क्यू नीं ! अेडी काई वात है ?
- भीमजी अरे बावळा तू जितो ध्यान राखे बीं सू बत्तो थारा बेटा-बऊ राखै । म्हानै इया लागै ही कोनी कैं म्हे अेकला हा । छोरो परसो तो थारो म्हानै बाबोसा-बाबोसा कैवतो थकै ही कोनी ।
- फूसाराम तो थे किस्व्या पराया हो ? अेक मा रै पेट सू जळम नीं लियो तो काई हुयो हा तो भाई-भाई । थे बडा नै म्है छोटो ।
- भीमजी थारी ई अपणायत रै साम्हें म्हारा आपरा तो कीं नीं है । आज सुरसती री मा नै जैपर गया ढाई मईना होवण लाग़ा है । था लोग़ा रा साथ नीं हावतो तो म्हे अठै इत्ता दिन टिकता काई ?
- फूसाराम जिफा आपणा हुवै वा रो साथ तो देणो ही पडै ।
- भीमजी आ मत कैय । अे तो लारलै भौ रा सम्बन्ध है । भवरे नै देख बो किस्वो परायो है ? पण बीं रै कनै अपणायत जिस्वी कोई चीज कोनी । बीं तो मा रो भी कदै भलो नीं कर्यो ।
- फूसाराम साघी भाईसा बींरा तो सारा पोत चवडै आ रैया है । म्हनै बीं रो रुख दाम नीं आयो । भला आ भी कोई वात हुयी जावण रै बाद कोई समाचार ही नीं ।
- भीमजी म्हारो मन कैवै सुरसती री मा रो सरीर ठीक कोनी । बठै रौ हवा-पानी बींनै सदी कोनी अर वा बीमार पडगी ।
- फूसाराम इस्वी तो क्यू सोछो ? परमात्मा करै वा नै कीं नीं हुवै । पण भवरे नै तो भाईसा इया तो कोनी कैं बीं बठै सू कागद न्हाख्यो हुवै अर अठै आपा कनै नीं पूग्यो हुवै ।

भीमजी तू भी फिरयी गैली बाता करै। कागद न्हाखै तो जावै कठै ? सही ठिकाणो लिख्यो हुवै तो वो सही ठौड पूगै ही।

फूसाराम फेर तो काई बात हो सके ?

भीमजी बात अबै की नीं तू गुसाईसर रो काम निपटा आ फेर जैपर चालणो है। इया अडीवया को सरै नीं। नीं जणै म्हारी हालत गताघम ही जासी।

फूसाराम क्यू हो जासी ? थे कैचो तो आज ही जैपर चाला परा। गुसाईसर जाणो टाळयोसरी।

भीमजी ना—ना।

फूसाराम तो फेर धीरज राखो।

भीमजी धीरज तो घणो ही राखा फूसाराम पण काई करा ? सुरसती री मा हरदम आख्या आडी आती रैवै। रात मे तो कणै—कणै इया लागै जाणै वा म्हानै कठै सू हेलो मार रैयी है।

फूसाराम अै तो मन रा बहम है भाईसा।

भीमजी वैम समझ चावै और की म्हारी तो नींद ही उडगी।

फूसाराम घणो सोच्या मती करो।

भीमजी सोचणो—नीं सोचणो आ कोई बस री बात कोनी। अबै तै सू काई छुपावा। बीती रात घडी अेक नींद आई हुवैली कै सुपनै मे थारी भाभी दिखी। साम्हें कुरसी पर बैठ कैबा लागी म्हारे बारै मे अबै थे सोचणो बद कर दो। क्यू भेजो खराब करो। म्हनै अेकदम भूल जाओ। म्है बोल्या — गैली तनै भूल्या कीकर सरै ? तू ही म्हारी जिदगी है। तू है तो म्हे हा। साची फूसाराम ई सू आगै म्हा सू बोल्या ही नीं गयो। जाणै कठ मुसीजग्या हुवै। सुपनै मे ही भू—भू रोवण लागी कैं अेकाअेक आख खुलगी। फेर ध्यान आयो ओ तो कोई सुपनो हो। पण हिचक्या मरी निरी ताळ तई नीं थर्मी।

(कँचता कँचता गळगळा होयग्या)

फूसाराम इया काई करो भाईसा ? सुपनो कदै साचो हुवै ? थे तो टाबरा दई बात्या करणै लागग्या।

भीमजी (आख्या पूछता) ना—ना इया ही थारी भाभी री थाडो याद आयगी।

फूसाराम याद तो आवै ही। बा नै ग्या भी तो निरा दिन होयग्या।

भीमजी अबै तो भाईडा बीं रै बिना अेक—अेक दिन काटणो ओर्यो होयग्या।

फूसाराम इयै ऊमर मे ही तो घरवाळी रो मोल जाणीजै।

भीमजी (इणी बगत बारै सू हाथ मे बैग झाल्या ममता आ जावै)

(अेकटक होय नै देखता) कुण ममता बेटी।

- ममता (आख्या में उफणतो समदर छिपाय नै) हा म्हें हीज हू। पग लागू नानाजी। (कैवती भीमजी रा पग छूवै)
- भीमजी जीवती रैय। परणीजण रै बाद आज पैली दफै आई है। कुवरसा कठै हे?
- ममता बानै तो कोई जरूरी काम सू पूठो जावणो पडग्यो।
- फूसाराम अठै आय नै पूठा गया परा ?
- ममता अठै तो आया ही कठै।
- भीमजी भळे। तो काई बीच माय सू ही चाल्या गया ?
- ममता नी तो। जैपर तई तो सागै ही हा। बटे सू ही बै पाधरा राजगढ गया परा। म्हें अठिनै आयगी।
- फूसाराम अेकली ?
- ममता व्यू गाडी मे काई अेकली नी आवणो चडजै ?
- फूसाराम नी तो भलै ही आओ।
- भीमजी तो जणै नानी सू मिळ आई ?
- ममता । (उथळो नी दे सकी अर आख्या भरीजगी)
- फूसाराम तनै बाई आ कीकर टा पडी के नानीजी जैपर गयोडा है।
- ममता मामाजी रो कारड आयो हो।
- भीमजी देख लियो फूसाराम भवरै नै ई रै अठै कारड न्हाखण री फुरसत मिळगी पण ।
- ममता तो काई अठै मामाजी रो कारड नी आया ?
- भीमजी कठै। पूरा ढाई मईना होयग्या वीरे कानी सू कोई चिडी है न कोई पतरी।
- फूसाराम जद सू भाभीसा नै लैय'र गयो है।
- भीमजी विचाळै सी क थारी नानी रै हाथ रो लिख्यो अेक कागद जरुर आयो पण थारै मामे । (माथौ पीट लेवै)
- फूसाराम भाईसा तो रोज अेक चक्कर डाकखाने रो लगार आवै।
- भीमजी काई करा बेटी ? थारी नानी रै बिना ।
- (ममता चीख मारती रोवण लाग जावै)
- भीमजी काई बात है बेटी ? तू अेकाअेक इया रोवण नै व्यू लागगी ? म्हानै साघी-साघी बता नानी तो थारी राजी खुसी है ?
- ममता (रोवती रोवती भीमजी री छाती सू लागर) ना-ना । नानाजी अबै म्हें काई बताऊ। नानीजी अब ई दुनिया मे नी रैया।
- भीमजी काइऽऽ।।
- ममता हा नानाजी वै म्हा सगळा नै छोडग्या।
- भीमजी (आकळ बाकळ होंवता) ना-ना आ नी हो सकै .. बा म्हानै

इया दगो देयर नी जा सकै ... कैय दै बेटी आ बात कूडी है।
भाईसा हिम्मत राखो। भाभीसा री ।

फूसाराम
भीमजी

----- पण इया किया हुवै। म्हे तो वी री बाट जो रैया हा अर
या बोली-बोली परवारै ही गई परी।

ममता
भीमजी
ममता
भीमजी

(रॉयती रॉयती) ना ता जी ।
जावती म्हानै कैयगी ही म्हे वैगी ही पूठी आ जासू।
अवै बै नी आवै।

इण रो मतलब है जरूर वी नै कोई राकस लारै सू आयनै धक्को
देयग्यो।

ममता

राकस ! हा नाताजी थे ठीक कैवो बै राकस ही हा। दुपारै री टैम
नानीजी घर में जद अकला हा तो दो-तीन राकस चोरी री नीयत
सू घर में घुस आया। नानीजी या सू की पूछता इण सू पैला ही
या वारो गळो मोस काढयो।

भीमजी

(थोड़ा अधगावळा सा हॉयता) जणै तो जायोडै रै घर री
रुखवाळी करणै री जायी नै यगरीस मिळगी।

फूसाराम
भीमजी

अवै की भी समझो। भाभीसा री आहीज भावी ही।

(की ऊडी सोचता सोचता) अक बात है। म्हानै लागै बीने कोई
कारण सू अकाअक री जावणो पडग्यो। इणी कारण तो बा म्हानै
कैवावणो भूलगी। नी जणै म्हा दोगा नै तो सागै ही जावणो हो।
क्यू फूसाराम साची बताये म्हे वी नै कैयो कोनी कै तू पूठी आसी
जितै म्हे थारी अठै ही बाट जोवाला। म्हारी जाण में कठैई मोड
माथे जरूर या अकली बैठी है आ सोचर कै जद म्हानै ठाह पडसी
तो म्हे लारै सू आपैई पूग जासा। क्यू फूसाराम ? आहीज बात है।
म्हारै बिना या अकली आगै खिसक ही नी सकै। अकली कठै
जावती जद नी। (उठता) लै रे जीवडा अवै बेरो लागग्यो तो
बैठया नी सरै। सुरसती री मा रो सागो तो करणो ही पडसी। बी
भी तो हमेसा म्हारो साथ निभायो।

फूसाराम
ममता
फूसाराम
भीमजी

चेतो करो भाईसा चेतो करो। (हाथ देयर सभाळै)

अै तो उखड़ी-उखडी बाता करवा लागग्या।

लागै है भाभीसा री अकाळ मोत री ब्होत सदमो पूग्यो है आ नै।

(आपरी ही धुन में) सुरसती री मा थोडो ठैरये।

(आगे बधता) म्हे आ रैया हा। म्हे आ रैया हा।

(कँयता कँयता री चेतना जवाय देवण लागै कै फूसाराम
झट झाल लेवै। इणी बीच अक जोर रो झटको काळजै पर
इस्यो लागै कै भीमजी री नरसडी फूसाराम रै हाथ में ही गुडक

जायै। ममता तो देखतै ही फूट फूट र रोवण लागै के फूसाराम
री आख्या रो बाध भी फूट पडै। इणी रै सागै सगळा जणा
प्रीज सा हुवै के मच पर उजाळो होळै होळै मधरो पडतो
जायै।)

□

वरिष्ठ नाट्य लिखारा श्री निर्मोही व्यास रगमच पर घणा ही प्रयोग करया है। माटी री सौरम अर आपणी घरा री आ खास विसंसता है कै अटै रो जायो—जळम्यो हर जगै अटै री ओळखाण वणायै राखै। व्यासजी रो ओ मानणो रैयो कै राजस्थानी भाषा दूजी भाषावा सू व्होत सातरी है। इण रै पेटै आप आपरै इण ताजै नाटक ओक गाव री गोमती मे संस्कृति री सही झलक दिखाई है। व्यासजी री इण वात रो म्है समर्थक हू कै गीत—सगीत री वैशाखिया रै सागै हर नाटक री रचना ओपती नी लागै। इण सू गभीर नाटका री गभीरता नै चोट पूगै।

इण नाटक मे सीधी अर सपाट भाषा मे गाव री जूनी मान्यतावा पर कई सवाल उठाया गया है। लुगाई जात नै हक दिरायो है तो राजनीति रै माय पनपण वाली भिस्टाचारी वाता पर सू भी परदो परै न्हाखीज्यो है। म्हारी समझ में व्यासजी रो ओ नाटक रगमच नै नुवा आयाम देवैला।

जगमोहन सक्सेना
(राजस्थानी रै पेटै रूस जावणिया
अकमात्र लिखारा)